



册府元龟  
卷之三  
至二



13  
849  
116



門 4 3  
號 849  
卷 116



册府元龜

淮南李嗣京叅閱

西極文翔鳳訂正

豫章黃國琦較釋

將帥部

立功第三

晉胡奮初仕魏為較尉匈奴中  
部帥劉猛拔使駟騎  
路蕃討之以奮為監軍假節頓  
軍經北為蕃後繼擊  
猛破之猛帳下將李恪斬猛而  
降以功累遷征南將  
軍假節都督荊州諸軍事

將帥部

石苞初仕魏爲奮武將軍監青州軍事及諸葛誕舉  
兵淮南苞統青州諸軍督兗州刺史周泰徐州刺史  
胡質簡銳卒爲游軍以備外寇吳遣大將朱異丁奉  
等來迎誕等留輜重於都陸輕兵渡黎水苞等逆擊  
大破之太山太守胡烈以奇兵詭道襲都陸盡焚其  
委輸異等收餘衆而退壽春平拜苞鎮東將軍封東  
光侯

馬隆武帝泰始中爲司馬督涼州爲虜所沒乃以隆  
爲武威太守討之隆西渡溫水虜樹機能等以衆萬  
計或乘險以遏隆前或設伏以斷隆後隆依八陣圖

地狹偏箱車地廣則鹿魚車營路狹則爲木屋於車  
上且戰且前弓矢所及應弦而倒奇謀間發出敵不  
意或夾道累磁石賊負鐵鎧行不能前隆卒悉被犀  
甲無所留礙賊咸以爲神轉戰千里殺傷以千數隆  
到武威虜大人猝跋韓且高能等率萬餘落歸降前  
後誅殺及降附者以萬計又率善戎沒骨能等與樹  
機能大戰斬之涼州遂平

王渾泰始中以安東將軍都督揚州諸軍事鎮壽春  
吳人大備皖城圍爲邊害渾遣揚州刺史應綽督淮  
南諸軍攻破之并破諸別屯焚其積穀百八十餘萬

斛稻苗四千餘頃船六百餘艘渾遂陳兵東疆視其地形險易歷觀敵城察攻取之勢及大舉伐吳渾率師出橫江遣參軍陳慎都尉張喬攻尋陽賴鄉又擊吳牙門將孔忠皆破之獲吳將周興等五人又遣殄吳護軍李純據高望城討吳將俞恭破之多所斬獲吳厲武將軍陳代平虜將軍朱明懷懼而來降吳丞相張悌大將軍孫震等率衆數萬指城陽渾遣司馬孫疇揚州刺史周浚擊破之臨陣斬二將及首虜七千八百級吳人大震吳司馬何植建威將軍孫晏送印節詣渾降既而王濬破石頭降孫皓明日渾始濟

江登建鄴宮以功增封八千戶進爵爲公

陳騫秦始末以大將軍攻拔吳枳里城破涂中屯戍獲吳立信校尉莊祐

王濬太康元年正月以龍驤將軍率巴東監軍廣武將軍唐彬攻吳丹陽寇之擒其將陽監盛紀二月庚申寇吳西陵獲其鎮南將軍劉憲征南將軍成據空都太守虞忠壬戌寇荆門夷道二城獲監軍陸晏乙丑寇樂都乙亥詔進濬爲平東將軍假節都督益梁諸軍事濬自發巴蜀兵不血刃攻無堅城夏口武昌無相支抗于是順流鼓棹征造三山孫皓遣游擊將

軍張象率舟軍萬人禦濬象望旗而降皓用光祿勳薛瑩中書令胡冲計送降文于濬壬寅濬入于石頭收其圖籍領州四郡四十三縣三百一十三戶五十二萬三千吏三萬二千兵二十三萬男女口二百三十萬米穀二百八十萬斛舟船五千餘艘

杜預太康元年以鎮南大將軍都督荊州諸軍事陳兵於江陵遣參軍樊顯尹林鄧封襄陽太守周奇等率衆循江而上授以節度旬日之間累尅城邑又遣牙門管定周音伍巢等率奇兵八百汎舟夜渡以襲樂鄉虜吳都督孫歆而還于是進逼江陵吳督將伍

孫偽請降而列兵登陴預攻尅之既平上流于是沅湘以南至於交廣吳之州郡皆望風歸命奉送印綬預杖節稱詔而撫之凡所斬及生獲吳都督監軍十四牙門郡守百二十餘人孫皓既平振旅凱入以功封當陽侯

周浚太康元年以折衝將軍射陽侯領揚州刺史隨王渾伐吳攻破江西屯戍與孫皓中軍大戰斬偽丞相張悌等首級數千俘馘萬計進軍屯于橫江孫皓既降于王濬浚乃濟江與王渾共行吳城壘綏撫新附以功進封武成侯食邑六千戶明年移鎮秣陵時

吳初平屢有逃亡者頻討平之

孟觀惠帝時爲積弩將軍氏帥齊萬年反于關中衆數十萬諸將覆敗相繼以觀沈毅有文武材用乃啓觀討之觀所領宿衛皆趨健勇悍并統關中士卒身當矢石大戰十數皆破之生擒萬年威懼氏羌轉東羌拔尉

李矩爲征西將軍梁王彤牙門將伐氏帥齊萬年有殊功封東明亭侯及雒陽不守太尉荀藩奔陽城衛將軍華蒼奔成臯時大饑賊帥侯都等每略人而食之藩蒼部曲多爲所啖矩討都等滅之乃營護藩蒼

各爲立屋宇輸穀以給之及藩承制建行臺假矩豫陽太守知招懷離散遠近多附之石勒親率大衆襲矩矩遣老弱入山令所在散牛馬因設伏以待之賊爭取牛馬伏發齊呼聲動山谷遂大破之斬獲甚衆勒乃退

索綝爲鷹揚將軍南陽王模從事中郎劉聰侵掠關東以綝爲奮威將軍以禦之斬聰將呂逸又破聰黨劉豐遷新平太守愍帝立綝領太尉擊破劉曜將日逐王呼延莫劉曜入關芟麥苗綝又擊破之自長安伐劉聰聰將趙染染仗其素捷有自矜之色帥精騎

數百與緝戰大破之染單馬而走  
麴允為尚書左僕射領軍持節西戎校尉時劉曜殷  
凱趙染數萬眾逼長安允擊破之擒凱于陣  
苟晞以北軍中候行兗州刺史汲桑之破鄴也東海  
王越出次官渡以討之命晞為前鋒桑素憚之於城  
外為柵以自守晞將至頓軍休士先遣單騎示以禍  
福桑眾大震弃柵宵遁嬰城固守晞陷其九壘遂定  
鄴而還西討呂朗等滅之後高密王泰討青州賊劉  
根破汲桑故將公師藩敗石勒于河北威名甚盛時  
人擬之韓白進位撫軍將軍假節都督青兗諸軍事

討東平郡侯邑萬戶

劉弘太安中以南蠻校尉荊州刺史率前將軍趙驥  
等討賊帥張昌自方城至新野所向皆平及新野王  
欽之敗也以弘代為鎮南將軍都督荊州諸軍事弘  
遣長史陶侃為大都護叅軍蒯嘗為義軍督護牙門  
將史初為都帥進據襄陽張昌并軍圍宛敗趙驥軍  
弘退屯梁胤初等累戰破昌前後斬首數萬級及到  
宛西昌懼而逃其眾悉降荆土平弘遣軍討昌于下  
雋山斬之悉降其眾進拜侍中鎮南大將軍東而東  
周圜太安中右將軍陳敏反于揚州以圜為安豐太

守加四品將軍玘稱疾不行密遣使告鎮東將軍劉  
準令發兵臨江玘爲內應準遣督護衡彥率衆而東  
時敏弟昶爲廣武將軍歷陽內史以吳興錢廣爲司  
馬玘密諷廣殺昶玘與顧榮甘卓等以兵攻敏敏衆  
奔潰單馬北走追獲之于江乘界斬之於建康  
張光爲順陽太守陵江將軍討陳敏之亂時江夏太  
守陶侃與敏大將錢端相拒於長岐將戰襄陽太守  
皮初爲步軍使光設伏以待之武陵太守苗光爲水  
軍藏舟艦於河水皮初等與賊交戰光發伏兵應之  
水陸同奮賊衆大敗

王浚爲安北將軍懷帝永嘉三年九月石勒寇襄陽  
浚使鮮卑騎救之大破勒于飛龍山  
應詹愍帝時爲南平太守假督南平天門武陵三郡  
軍事天門武陵谿蠻竝反詹討降之鎮南將軍山簡  
復假詹督五郡軍事會蜀賊杜疇作亂來攻詹郡力  
戰摧之尋與陶侃破杜弢于長沙明帝時王敦作逆  
帝以詹爲護軍將軍假節都督朱雀橋南賊從簡格  
渡江詹與建威將軍趙喬等擊敗之斬賊帥杜發梟  
首數千級賊平封觀陽縣侯食邑千六百戶  
甘卓元帝初渡江授卓前鋒都督揚威將軍後討周



馥征杜弼屢經苦戰多所擒獲以前後功進爵南鄉侯

周訪爲揚烈將軍領兵一千二百屯尋陽鄂陵與甘卓趙誘討華軼軼所統武昌太守馮逸來攻訪訪率衆擊破之逸遁保柴桑訪乘勝進討軼遣其黨王約傅禮等萬餘人助逸大戰于湓口約等又敗訪與甘卓等會於彭澤與軼水軍將朱矩等戰又敗之軼將周廣燒城以應訪軼衆潰訪執軼斬之遂平江州以爲振武將軍尋陽太守又與諸軍共征杜弼弼歸湘州訪復以舟師造湘城軍達富池而弼遣杜弘出海

昏時湓口騷動訪步上柴桑偷渡與大戰斬首數百賊退保廬陵訪追擊敗之賊嬰城自守尋而軍糧爲賊所掠退任巴丘糧廩旣至復圍弘於廬陵弘大擲財物于城外軍人競拾之弘因醇亂突圍而出訪率軍追之獲鞍馬鎧仗不可勝數弘入南康太守將率兵逆擊又破之奔于臨賀進龍驤將軍武關賊帥杜曾聚兵數萬大爲人害威震江沔帝命訪擊之曾攻訪左右甄皆敗訪選精銳八百人以進賊未至三十步親鳴鼓將士皆騰躍奔赴曾遂大潰殺千餘人曾遁走訪部將蘇溫收曾赴軍送王敦斬之

祖約為平西將軍豫州刺史及王敦舉兵約歸衛京  
 都率眾次壽陽遂敦所署淮南太守任台以功封五  
 等侯進號鎮西將軍  
 蘇峻為奮威將軍臨淮內史及王敦舉兵渡竹格渚  
 拔柁將戰峻率其將韓晃于南塘橫截大破之又隨  
 庾亮追沈充進使持節冠軍將軍歷陽內史加散騎  
 常侍封邵陵公  
 溫嶠為中壘將軍王敦逼京師嶠自率眾與賊夾水  
 戰擊王合敗之復督劉遐追錢鳳於江寧事平封建  
 寧縣開國公進號前將軍

朱伺為綏夷都尉陳敏作亂陶侃鎮江夏以伺能水  
 戰曉作舟艦乃遣作大艦署為左甄據江口摧破敏  
 前鋒敏兄恢稱荊州刺史在武昌侃率伺及諸軍進  
 討破之敏恢既平伺以功封亭侯領騎督隨陶侃討  
 杜弢有殊功加威遠將軍又以平蜀賊龍高之功加  
 廣威將軍  
 毛寶為南中郎將督隨義陽二郡鎮上明隨庾亮討  
 郭默默平與亮司馬王愆期等救桓宣于章山擊賊  
 將石遇破之  
 鄧嶽為西陽太守及蘇峻反平南將軍溫嶠遣嶽與

督護王愆期鄴陽太守紀陸等率舟軍赴難峻平還  
鄆郭默之叛大司馬陶侃使嶽率西陽之衆討之默  
平遷督交廣二州軍事建武將軍領平越中郎將廣  
州刺史假節錄前後勳封宐城縣伯咸寧三年嶽遣  
軍伐夜郎破之

劉遐爲龍驤將軍下邳內史初沛人周堅一名撫與  
同郡周默因天下亂各爲塢主以寇抄爲事及默降  
祖逖撫怒遂襲殺默以彭城叛石勒遣騎援之詔遐  
領彭城內史與徐州刺史蔡豹太山太守徐龕共討  
撫戰于寒山撫敗走

崔羨爲徐州刺史監青州軍事慕容儁攻段簡於青  
州詔使羨救之儁將王騰趙盤寇瑯邪鄆城北境騷  
動羨討之擒騰盤逃走軍次瑯邪而簡已沒羨退還  
下邳留將軍諸葛攸高平太守劉莊等三千人守瑯  
邪參軍戴逯蕭鎰二千人守泰山是時慕容蘭以數  
萬衆屯汴城甚爲邊害羨自光水引汶通渠至於東  
阿以征之臨陣斬蘭  
陶侃爲龍驤將軍元帝使侃擊杜洪令振威將軍周  
訪廣武將軍趙誘受侃節度令二將爲前鋒兄子興  
爲左甄擊賊破之侃後爲平南將軍時交州刺史王

諒為賊梁頌所陷陶侃遣將高寶進擊平之錄前後  
功封次子夏為都亭侯

王舒為假節都督行揚州刺史討蘇峻時吳國內史  
庾冰棄郡奔舒舒移告屬郡以吳王帥虞駿為軍司  
御史中丞謝藻行龍驤將軍監前鋒征討軍事率眾  
一萬與庾冰俱渡浙江前義興太守顧眾護軍將軍  
顧颺等皆起義軍以應舒舒假眾揚威將軍督護吳  
中軍事颺監晉陵軍事于御亭築壘峻間舒等兵起  
乃赦庾亮諸弟以悅東軍舒率眾次郡之西江為冰  
藻後繼冰颺等遣前鋒進據無錫遇賊將張健等數

千人交戰大敗奔還御亭復自相驚擾冰颺等於是  
於錢塘藻守嘉興賊遂入吳燒府舍掠諸縣所在塗  
地舒以輕進奔敗斬二軍主者免冰颺督護吳晉陵  
軍屯兵章埭吳興太守虞潭率所領討健屯烏菴亭  
竝不敢進時暴雨大水賊管商乘船旁出襲潭及眾  
潭等奔敗潭還保吳興眾退守錢塘舒更遣將軍陳  
孺率精銳千人增戍海浦所在築壘或勸舒空還郡  
使謝藻守西陵扶海立柵舒不聽留藻錢塘使眾颺  
守紫壁於是賊轉攻吳興潭諸軍復退賊復掠東遷  
餘杭武康諸縣舒遣子允之行揚烈將軍與將軍徐

源陳孺及揚烈司馬朱燾以精銳三千徑邀賊于武康出其不意遂破之斬首數百級賊委舟步走允之收其器械進兵助潭時賊韓晃既破宣城轉入故鄣長城允之遣朱燾何準等擊之戰於乾湖潭以彊弩射之晃等退走斬首千餘級納降二千人潭繇是得保郡是時臨海新安諸山縣竝反應賊舒分兵悉討平之會陶侃等至京都潭等竝以屢戰失利移書盟府自貶去節侃遣使敦喻不聽及侃立行臺上舒監浙江東五郡軍事允之都護吳郡義興晉陵三郡征討軍事既而晃等南走允之追躡於長塘湖復大破

之賊平以功封彭澤縣侯

庾冰為吳國內史蘇峻作逆遣兵攻冰冰不能禦便棄郡奔會稽會稽內史王舒以冰行奮武將軍距峻別率張健於吳中健黨甚眾諸將莫敢先進冰率眾擊健走之于是乘勝西進赴于京都又遣司馬滕舍攻賊石頭城拔之冰勳為多廣饒男庾澤為左衛將軍以討蘇峻功封廣饒男顧眾為揚威將軍蘇峻反王師敗績眾還吳潛圖義舉時吳國內史庾冰奔于會稽峻以蔡謨代之前陵江將軍張哲為峻收兵於吳眾遣人喻哲哲從之眾

乃遣郎中徐機告謨曰衆已潛合家兵待時而奮又與張哲尅期効節謨乃檄衆爲本國督護揚威將軍仍舊衆從弟護軍參軍颺爲威遠將軍前鋒督護吳中人士同時響應峻遣將弘徽領甲卒五百鼓行而前衆與颺哲要擊徽戰於高祚大破之收其軍實謨以水當還任故使去郡衆遣颺率諸軍屯無錫水至鎮御亭恐賊從海虞道入衆自往備之而賊帥張健馬流攻無錫颺等大敗康承亦失守健等遂據吳城衆自海虞繇婁縣東倉與賊別率交戰破之義軍又集進屯烏苞會稽內史王舒吳興內史虞潭並檄衆

爲五郡護統諸義軍討健潭遣將姚冰爲衆前鋒賊戰沒衆還守紫壁時賊黨方銳義軍沮退人咸勸衆過浙江衆曰不然今保固紫壁可得全錢塘以南五縣若越他境便爲寓軍控引無所非長計也臨平人范明亦謂衆曰此地險要可以制寇不可委也衆乃拔明爲參軍明率宗黨五百人合諸軍凡四千人復進討健健退于曲阿留錢弘爲吳令軍次路丘卽斬弘首衆進往吳城遣督護朱祈等九軍與蘭陵太守李闔共守慶亭健遣馬流陶陽等往攻之闔與祈等逆擊大破之斬首二千餘級峻平論功衆以承檄

奮義推功于謨謨以衆唱謀非已之力俱表相讓論者美之封鄱陽縣伯

周撫爲征虜將軍督寧州諸軍事穆帝永和初撫征蜀進撫督梁州之漢中巴西梓潼陰平四郡軍事鎮彭模撫擊破蜀餘寇隗文鄧定等斬僞尚書僕射王誓平南將軍王潤以功遷平西將軍隗文鄧定等復反立范賢子賁爲帝初賢爲李雄國師以左道惑百姓人多事之賁遂有衆一萬撫與龍驤將軍朱熹擊破斬之以功進爵封建城縣公

桓溫爲安西將軍永和二年伐蜀蜀李勢衆大潰溫

乘勝直進焚其小城勢遂夜遁九十里至晉壽度萌城其將鄧嵩咎堅勸勢降乃而縛輿觀請命溫解縛焚觀送于京師溫停蜀三旬舉賢旌善僞尚書僕射王誓中書監王瑜鎮東將軍鄧定散騎嘗侍嘗璩等皆蜀之良也竝以爲參軍百姓咸悅軍未旋而王誓鄧定隗文等反溫復討平之振旅還江陵十二年姚襄入于許昌溫以太尉爲大都督討之戰于伊水大敗之襄走平陽徙其餘衆三千餘家於江漢之蜀執降賊周成而歸太和四年率衆伐慕容暉將慕容垂帥衆拒溫溫擊敗之九月戊寅溫禪將鄧遐宋序

遇暉將傅末波於林渚又大破之  
溫弟豁為建威將軍督河中七郡軍事擊慕容屈塵  
破之進號右將軍監荆揚雍州軍事領護南蠻校尉  
時梁州刺史司馬勳以梁益叛豁使其參軍桓熊討  
之而南陽督護趙弘趙憶等逐太守桓淡據宛城以  
叛豁與竟陵太守羅崇討破之又攻偽南中郎將趙  
盤于宛盤退走豁追至魯陽獲之送于京師置戍而  
還

豁弟冲為鷹揚將軍鎮蠻護軍西陽太守從其兄溫  
征伐有功遷都督荆州之南陽襄陽新野義陽順陽  
雍州之京兆揚州之義城七郡軍事寧朔將軍領襄  
陽又從溫破姚襄及虜周成進爵豐城公溫之破姚  
襄也獲襄將張駿楊凝等徙於尋陽冲在江陵未及  
之職而駿率其徒五百人殺江州督護趙毗掠武昌  
府庫將妻子北叛冲遣將討獲之遷還所鎮豁卒冲  
領護南蠻校尉荆州刺史符堅遣其將符融寇樊鄧  
石越寇魯陽姚萇寇南鄉韋鍾寇魏興冲率前將軍  
劉汲及兄子振武將軍石民冠軍將軍石虔等伐之  
拔堅筑陽攻武當走堅兖州刺史張宗又使石虔伐  
堅襄陽太守閻震擒之及大小帥二十九人送於京



師堅使其將赦貴守襄陽冲使揚威將軍朱綽討之  
遂焚燒沔北稻田拔六百餘戶而還又遣上庸太守  
郭寶伐堅魏興太守褚垣上庸太守段方竝降之新  
城太守麴嘗遁走三郡皆平  
豁子石虔爲寧遠將軍領南頓太守帥諸將攻袁真  
于壽陽尅其南城又擊符堅將王鑒于石橋獲馬五  
百匹後爲冠軍將軍領南平太守會符堅荊州刺史  
梁成襄陽太守閻震率衆入寇竟陵石虔與弟石民  
距之賊阻激水屯管城石虔設計夜渡水旣濟賊始  
覺力戰破之進尅管城擒震斬首七千級俘獲萬人

數百匹牛羊千頭具裝鏡三百領成以輕騎走保  
襄陽石虔復領河北太守進據樊城逐堅兗州刺史  
張崇納降二千家而還  
石虔弟石民爲衛將軍謝安參軍叔父冲上疏拔石  
民振武將軍戍夏口與兄石虔攻符堅荊州刺史梁  
成等於竟陵明年又與隨郡太守夏侯澄之破符堅  
將慕容垂姜成等於漳口復領譙國內史梁郡太守  
冲薨詔以石民監荊州軍事西中郎將荊州刺史石  
民遣將軍晏謙伐弘農賊東中郎將慕容夔降之始  
置胡陝二戍獲關中櫓僮伎以充太樂時符堅子不

僭號於河北謀襲雒陽石民遣將軍馮該討之臨陣  
 斬丕及其左僕射王孚吏部尚書荀操等傳首京都  
 時乞活黃淮自稱并州刺史與翟遼共攻長社衆數  
 千人石民復遣南平太守郭銓松滋太守王遐之擊  
 斬之遼走河北以前後功進左將軍

石民弟石康為振威將軍荊州刺史以討庾仄功封  
 武陵王

朱序為鷹揚將軍江夏相興寧末梁州刺史司馬勳  
 反桓溫表表序征討都護往討之以功拜征虜將軍  
 封襄平子

桓宣為南平中郎將江夏相石勒荊州刺史郭敬茂  
 襄陽陶侃使其子平西參軍斌與宣俱攻樊城拔之  
 竟陵太守李陽又破新野敬懼遁走宣與陽遂平襄  
 陽侃使宣鎮之後庾亮為荊州將謀北伐以宣為都  
 督河北前鋒征討軍事平北將軍司州刺史假節鎮  
 襄陽石季龍使騎七千渡河攻之亮遣司馬王愨勸  
 輔國將軍毛寶救宣賊三面為地窟攻城宣募精勇  
 出其不意殺傷數百人多獲鎧馬賊解圍退走  
 桓伊為建威將軍督豫州之十二郡揚州之江西五  
 郡軍事與謝玄共破苻堅別將王鑒張蚝等以功封

宣城縣子又進都督豫州諸軍事西中郎將豫州刺史及符堅南寇伊與冠軍將軍謝玄輔國將軍謝琰俱破堅於淝水以功封永修縣侯進號右將軍謝尚爲建威將軍鎮壽春時符堅將楊平戍許昌尚遣兵襲破

謝安尚從弟也爲侍中都督揚豫徐兗青州五州幽州之燕國諸軍事假節時符堅強盛疆場多虞諸將敗退相繼安遣弟石及兄子玄等應機征討所在尅捷拜衛將軍開府儀同三司封建昌縣公堅後率衆號百萬次于淮肥京師震恐加安征討大都督討

各當其在玄等旣破堅安以撫統功進拜太保安子琰爲侍中符堅之役安以琰有軍國才用出爲輔國將軍以精卒八千與從兄玄俱陷陣破堅以勳封望蔡公王恭舉兵假琰節都督前鋒軍事恭平遷衛將軍徐州刺史假節孫恩作亂加督吳興義興二郡軍事討恩至義興斬賊許允之迎太守魏鄩還鄩進討吳興賊丘延破之

謝玄安兄子也爲南郡相監北征討軍事于時符堅疆盛邊境數被侵寇玄以建武將軍兖州刺史領廣陵相監江北諸軍事符堅遣軍圍襄陽車騎將軍桓

冲禦之詔玄發三州人丁遣彭城內史何謙游軍淮  
泗以爲形援堅將彭超進軍南侵句難毛當自襄陽  
來會超圍幽州刺史田洛于三阿有衆六萬詔征虜  
將軍謝石率水軍次徐中右衛將軍毛安之游擊將  
軍河間王曇之淮南太守楊廣宣城內史丘準次堂  
邑旣而肝胎城陷高密內史毛藻沒安之等軍人相  
驚遂各散退朝廷震動玄於是自廣陵西討難等何  
謙解田洛圍進據白馬與賊大戰破之斬其僞將都  
督顏因復進兵又破之斬其僞將邵保超難引退玄  
率何謙戴逵田洛追之戰於君川復大破之玄參軍

劉牢之攻破浮航及白船督護諸葛侃單父令李都  
又破其運艦難等相率北走僅以身免於是罷彭城  
下邳二戍詔遣殿中將軍慰勞進號冠軍加領徐州  
刺史還於廣陵以功封東興縣侯及符堅自率兵次  
于項城衆號百萬而涼州之師始達成陽蜀漢順流  
幽并繼至先遣符融慕容暉張蛙符方等至潁口梁  
成王先等屯雒澗詔以玄爲前鋒都督徐兗青三州  
楊州之晉陵幽州之燕國諸軍事與叔父征虜將軍  
石從弟大國將軍琰中郎將桓伊龍驤將軍檀玄建  
威將軍戴熙揚武將軍陶隱等拒之衆凡八萬玄先

遣廣陵相劉牢之五千人直指雒澗卽斬梁成及成弟雲步騎奔潰爭赴淮水牢之從兵追之生擒堅僞將梁化王顯梁悌慕容屈氏等收其軍實堅進屯壽陽列陣臨淮水玄軍不得渡玄使謂符融曰君遠涉吾境而臨水爲陣是不欲速戰諸軍稍却令將士得周旋僕與諸君緩轡而觀之不亦樂乎堅衆皆曰宐阻肥水莫令得上我衆彼寡勢必萬全堅曰但却軍令得過而我以大騎數十萬向水逼而殺之融亦以爲然遂麾使却陣衆因亂不能止於是玄與琰伊等以精銳八干涉肥水石軍距張蚝小退玄琰乃進決

戰肥水南堅中流矢臨陣斬融堅衆奔潰自相蹈藉投水死者不可勝計肥水爲之不流餘衆棄甲宵遁聞風聲鶴唳皆以爲王師已至草行露宿重以飢凍死者十七八獲堅乘輿雲母車儀服器械軍資珍寶山積牛馬驢騾駃十萬餘玄已破符堅復率衆次于彭城遣叅軍劉襲攻堅兗州刺史張崇于鄆城走之使劉牢之守鄆城兗州旣平遣淮陵太守高素以三千人向廣固降堅青州刺史符朗又進伐冀州遣龍驤將軍劉牢之濟北太守丁正據碭碭濟陽太守郭滿據滑臺奮武將軍顏雄渡河立營堅于丕遣將

桑據屯黎陽玄命劉襲夜襲據走之丕惶遽欲降玄許之丕告飢玄饋丕米二千斛又遣晉陵太守滕恬之渡河守黎陽三魏皆降以兗青司豫平加玄都督徐兗青司冀幽并七州軍事玄上疏以方平河北幽冀安須摠督司州懸遠應統豫州以勳封康樂縣公復遣寧遠將軍吳演伐申飢于魏郡破之謝石爲尚書僕射征句難以勳封與平縣子淮肥之役詔石解僕射以將軍假節征討大都督與兄子玄琰破符堅堅之敗也雖功始劉牢之而成于玄琰然石時實爲都督焉遷中軍將軍尚書令

劉牢之爲謝玄前鋒符堅將句難南侵玄率何謙等拒之牢之破難輜重于盱眙獲其運船遷鷹揚將軍廣陵相時車騎將軍桓冲擊襄陽宣城内史胡彬率衆向壽陽以爲冲聲援牢之領卒三千爲彬後繼淮肥之役符堅遣其弟融及驍將張蚝攻陷壽陽玄使彬與牢之拒之師次碓石不敢進堅將梁成又以二萬人屯雒澗玄遣牢之以精卒五千距之去賊十里成阻澗列陣牢之率參軍劉襲諸葛求等直進渡水臨陣斬成及其弟雲又分兵斷其歸津賊步騎奔潰爭赴淮水殺獲萬人又收其器械堅尋亦敗歸長安

餘黨所在屯結牢之進平譙城使戴寶戍之遷龍驤將軍彭城內史以功詔賜爵武岡縣男復守淮陰後進戍彭城領太守妖賊劉黎僭尊號于皇丘牢之討滅之符堅將張遇遣兵擊破金鄉圍泰山太守牟邁牢之遣參軍何欽之擊走之會慕容垂叛將翟釗救遇牢之引還釗還牢之進平泰山追釗于鄆城釗走河北用獲張遇以歸牢之鎮京口孫恩攻陷會稽牢之遣將桓寶帥師救三吳復遣子敬宣爲寶後繼北至曲阿吳郡內史桓謙已棄郡走牢之乃率衆東討拜表師行至吳興衛將軍謝琰擊賊屢勝殺傷甚衆

徑臨浙江進拜前將軍都督吳郡諸軍事時謝琰屯身程遣司馬高素助牢之牢之率衆軍濟浙江恩懼逃于海牢之還鎮恩復入會稽爲害謝琰牢之進號鎮北軍都督會稽五郡率衆東征屯上虞分軍戍諸縣恩復攻破吳國殺內史袁山松牢之使參軍劉裕討之恩復入海頃之恩浮海奄至京口戰士十萬樓船千餘牢之在山陰使劉裕自海鹽赴難牢之率大衆而還裕兵不滿千人與賊戰破之恩聞牢之已還京口乃走郁州又爲敬宣劉裕等所破及恩死牢之威名轉振

楊佺期少仕軍府咸康中領衆屯城固苻堅將潘猛距守康回壘佺期擊走之其衆悉降拜廣威將軍河南太守戍雒陽苻堅將竇衝率衆攻平陽太守張元熙于皇天塢佺期擊走之佺期自湖城入潼關累戰皆捷斬獲千計降九百餘家歸於雒陽進號龍驤將軍

虞丘進少時隨謝玄討苻堅有功封關內侯中從劉裕征孫恩戊句章城被圍數十日無日不戰身被數鎗至餘姚阿浦破賊張驃追至海鹽故治及婁縣于滿瀆口與孫恩水戰又被重傷追恩至壽州又至石

鹿頭還海鹽大柱頻戰有功

劉毅爲桓弘中兵參軍屬桓玄篡位毅與劉裕何無忌魏詠之等起義兵討玄裕率毅等至竹里玄使其將皇甫敷吳甫之北距義軍過之平江乘臨陣斬甫之遂至羅落橋又斬敷首玄大懼使桓謙何澹之屯覆舟山毅等軍至蔣山裕使羸弱登山多張旗幟玄不之測益以危懼謙等士卒多北府人素憎伏裕莫敢出鬪裕與毅等分爲數隊進突謙陣皆殊死戰無不一當百時東北風急義軍放火煙塵張天鼓譟之音震駭京邑謙等諸軍一時奔敗玄旣西走裕以毅



爲冠軍將軍青州刺史與何無忌劉道規躡玄毅與道規及下邳太守孟懷玉等追及玄戰于擘嶺州毅乘風縱火盡銳爭先玄衆大潰燒輜重夜走玄將郭銓劉雅等襲陷尋陽毅遣武威將軍劉懷肅討平之毅復與劉道規追桓玄至尋陽桓亮自號江州刺史毅遣劉敬宣擊走之毅軍次夏口桓振黨馮該戍大岸孟山圖據魯城桓山各守偃月壘衆合萬人連艦二岸水陸相援毅督衆軍進討未至夏口遇風飄沒千餘人毅與劉懷肅索超等攻魯城道規攻偃月壘何無忌與檀祗列艦于中流以防越逸毅躬貫甲冑

攻城半日而二壘俱潰生擒山客而馮該遁走毅進平巴陵南陽太守魯宗之起義襲襄陽破桓蔚毅等諸軍次江陵之馬頭桓振擁乘輿出營江津宗之又破僞將溫楷振自擊宗之毅因率無忌道規等諸軍破馮該於豫章口摧鋒而進遂入江陵振聞城陷與謙北走乘輿反正毅執玄黨下範之羊僧壽夏侯崇之桓道恭等皆斬之桓振復與苻宏自郢城襲陷江陵與劉懷肅相持毅遣部將擊振殺之并斬僞輔國將軍桓珍毅又攻拔遷陵斬玄太守劉叔祖於臨嶂其餘擁衆假號以十數皆討平之二州既平以毅爲

册原元鼎 立功三 卷之三十五

撫軍將軍時刁豫等作亂屯於湘中毅遣將分討皆滅之詔以毅為都督豫州揚州諸軍事梁州刺史劉雅反毅遣將討擒之

諸葛長民劉裕建義初為揚武將軍從討桓玄以功拜輔國將軍宣城內史於時桓歆聚眾向歷陽長民擊走之又與劉敬宣破歆於芍陂封新淦縣公督淮北諸軍事鎮山陽城義熙初慕容超寇下邳長民遣部將徐琰擊走之

何無忌為輔國將軍瑯邪內史以會稽王道子所部精兵悉配之南追桓玄與振武將軍劉道規俱受冠軍將軍劉毅節度玄留其龍驤將軍何澹之前將軍郭銓江州刺史郭昶之守湓口無忌等次桑洛州道規乘勝徑進無忌又鼓譟赴之澹之遂潰進據尋陽遣使奉送宗廟主及護武康公主瑯邪土妃還京都又與劉毅劉道規破走桓玄于崢嶸州無忌據巴陵玄從兄謙從子振乘間陷江陵無忌道規進攻謙於馬頭攻桓蔚於龍泉皆破之既而為桓振所敗退還尋陽無忌與毅道規復進討振尅夏口三城遂平巴陵進次馬頭桓謙請割荆江二州奉送天子無忌不許進軍破江陵謙等敗走無忌侍衛安帝還京師

將帥部

卷之三十五

冊府元龜

立力三

卷之三

復以興復之功封安城郡開國公

冊府元龜

冊府元龜

淮南李嗣京參閱

西極文翔鳳訂正

豫章黃國琦較釋

將帥部 十三

立功第四

宋檀祗晉末爲振武將軍隸振武大將軍劉道規追討桓玄每戰克捷江陵平定道規遣祗征滇沔亡命桓道兒張靖符嗣等皆悉平之除龍驤將軍又破桓亮於長沙符宏於湘東加寧朔將軍

冊府元龜

將帥部

卷之三 百五十一

劉敬宣晉末爲輔國將軍晉陵太守元興中桓歆率  
氏賊楊秋寇歷陽敬宣與建威將軍諸葛長民大破  
歆於芍陂歆單騎走渡淮斬楊秋於陳固而還又擊  
桓亮符宏於湘中所在有功

傅弘之晉末爲桂陽公劉義真西戎司馬寧朔將軍  
時畧陽太守徐師高反叛弘之討平之赫連勃勃僞  
太子瓌率衆三萬襲長安弘之又領騎五千於池陽  
大破之殺傷甚衆瓌又抄掠渭南弘之又於寡婦渡  
破壞獲賊三百拔七千餘口

蒯恩晉末以寧遠將軍領幢隨振武將軍劉道規西  
討虜桓仙客克偃月壘遂平江陵後從高祖伐廣固  
又有戰功盧循逼京邑恩戰于察瀆賊退走與王仲  
德等追破循別將范宗民於南陵循旣走還廣州恩  
又領千餘人隨劉璠追徐道覆於始興斬之遷龍驤  
將軍蘭陵太守

孫季高晉末爲振武將軍盧循之難於石頭扞柵戍  
越城察浦破賊於新亭高祖遣季高率衆三千汎海  
襲番禺初賊不以海道爲防季高至東衝去城千餘  
里城內猶未知循守戰士猶有數千城池甚固季高  
先焚舟艦悉力登岸會天大霧四面陵城卽日克拔

循父擬長史孫建之司馬虞廸夫等輕舟奔始興節  
分遣振武將軍沈田子等討平始興南康臨賀始安  
嶺表諸郡循於左里奔走而衆力猶盛自嶺道還襲  
廣州季高拒戰二十餘日循乃破走所殺萬餘人  
吉翰督梁南秦二州諸軍事元嘉元年仇池氏楊興  
平遣使歸順并兄弟爲質翰遣始平太守龍諮據武  
興仇池太師楊玄遣弟難當率衆拒諮又遣將強鹿  
皮向白水諮擊破難當等餘並退走

裴方明爲龍驤將軍元嘉十九年氏賊楊難當寇盜  
不心太祖遣方明率禁兵五千討之方明至武興率  
大子積弩將軍劉康祖後軍參軍梁坦陳彌裴肅之  
安西參軍段叔文魯尚期始興王國嘗侍劉僧秀綏  
遠將軍馬洗振武將軍王奐之等進次潭谷去臯蘭  
數里難當遣其建節將軍符弘祖琰元等固守臯蘭  
鎮北將軍符德義於外爲遊軍難當子撫軍大將軍  
和衆兵繼其後方明進擊大破之於濁水斬弘祖並  
三千餘級遣康祖追之過臯蘭二十餘里又遣德義  
來戰康祖又大破之和退保脩城難當遣建忠將軍  
楊林振威將軍姚憲領二千騎就和方明又率諸將  
攻之和敗走追至赤亭難當席卷奔叛方明遣康祖

直趣百頃偽丞相楊萬壽等一時歸降難當第三息  
虎先戍陰平難當既走虎逃竄民間生禽之送京都  
斬于建康市

沈慶之為建威將軍元嘉十九年率眾助征西司馬  
朱脩之討雍州蠻脩之以失律下獄慶之專軍進討  
大破泂沔諸蠻禽生口七千人進征湖陽又獲萬餘  
口後為廣陵王誕北中郎將中兵參軍雍州蠻又為  
寇慶之隨誕沔入既至襄陽率中兵參軍柳元景隨郡  
太守宗慤振威將軍劉顒司空參軍魯尚期安北參  
軍顧彬馬文恭左軍中兵參軍蕭景嗣前青州別駕

崔日連安蠻參軍劉雍之奮威將軍王景式等二萬  
餘人伐沔北諸山蠻宗慤自新安道入太洪山元景  
從均水據五水嶺文恭出蔡陽口取赤係塢景式繇  
延山下向赤圻坂日連尚期諸軍八道俱進慶之取  
五渠頓破塢以為眾軍節度前後伐蠻皆山下安營  
以迫之故蠻得據山為阻於矢石有用以是屢無功  
慶之乃會諸軍於茹山下以謂眾曰今若緣山列旆  
以攻之則士馬必損去歲蠻田大稔積穀重巖未有  
饑弊卒難禽翦今令諸軍各率所屬以營于山上出  
其不意諸蠻必恐恐而乘之可不戰而獲也於是諸

軍並斬山開道不與蠻戰鼓噪上山衝其腹心先據險要諸蠻震擾因其懼而圍之莫不奔潰自冬至春因糧蠻穀頃之南新郡蠻帥田彥生率部曲十封六千餘人反叛攻圍郡城慶之遣元景率五千人赴之軍未至郡已被破焚燒城內倉儲及廨舍蕩盡并驅畧降戶屯據白陽山元景追之至山下衆軍悉集圍山數重宗慤率其所領先登衆軍齊力急攻之威震諸山郡蠻皆稽顙慶之引軍自茹丘山出檢城大破諸山斬首三千級虜生蠻二萬八千餘口降蠻二萬五千口牛馬七百餘頭米粟九萬餘斛隨王誕築納

降受俘二城於白楚慶之復率衆軍討幸諸山犬羊蠻緣險楚築重城施門櫓甚峻山多木石積以爲橋立部曲建旗樹長帥鐵馬成群慶之連營山中開一門相通又命諸軍各穿池於營內朝夕不外汲兼以防蠻之火頃之風甚蠻夜下山人提一炬以燒營內多幔屋及草菴火至輒以池水灌滅諸軍多出弓弩夾射之蠻散走慶之令諸軍斬山開路攻之而山高路險暑雨方盛乃置東峒蜀山宜民西砦黃微上凌六戍而還蠻被圍守日久並饑乏自後稍出歸降慶之前後所獲蠻並移京邑以爲營戶慶之又爲孝武

撫軍中兵叅軍帝以本號爲雍州隨府西上時蠻寇太甚水陸梗礙帝停大堤不得進分軍遣慶之掩討大破之降者二萬口帝至而驛道蠻反慶之又討之王玄謨鎮荊州王方回領臺軍並會平定諸山獲七萬餘口鄖山蠻最强盛魯宗之屢討不能尅慶之翦定之禽三萬餘口慶之還京師會竟陵王誕據廣陵反復以慶之爲使持節都督南兗徐三州諸軍事車騎大將軍開府儀同三司南兗州刺史率衆討之至歐陽誕遣客慶之宗人沈道愍齎說慶之餉以玉環刀慶之遣道愍反數以罪惡慶之至城下誕登樓謂

之曰沈君白首之年何爲來慶之曰朝廷以君狂愚不足勞少壯故使僕來耳帝慮誕北奔使慶之斷其走路慶之移營白土去城十八里又進新亭誕果出走不得去還城慶之進營洛橋西焚其東門值雨不克慶之兄子僧榮時爲兗州刺史鎮瑕丘遣子懷明率數百騎詣受慶之節度慶之塞澶造攻道立行樓土山并諸攻具時夏雨不得攻城帝使御史中丞庾徽之奏免慶之官以激之詔無所問誕餉慶之食提挈者百餘人出自北門慶之不問悉焚之誕於城上授函表倩慶之爲送慶之曰我奉詔討賊不得爲汝



送表汝必歸死朝廷自應開門遣使吾爲汝送護之  
每攻城輒身先士卒帝戒之日卿爲統任當令處分  
有方何蒙楯城下身受矢石邪脫有傷挫爲損不少  
自四月至於七月乃屠城斬誕其後西陽五水蠻復  
爲寇慶之以郡公統諸軍討之攻戰經年皆悉平定  
獲生口數萬人

宗慤爲振武將軍元嘉二十三年爲蕭景憲軍副隨  
交州刺史檀和之伐林邑圍區粟城林邑遣將范毗  
沙達來救區粟和之遣偏軍拒之爲賊所敗又遣慤  
慤乃分軍爲數道偃旗潛進討破之拔區粟人象浦

遂尅林邑收其異寶雜物不可勝計慤爲隨郡太守  
雍州蠻屢爲寇建威將軍沈慶之平慤及柳元景等  
諸將分道攻之群蠻大潰又南新郡蠻率田彥生率  
步曲反叛焚燒郡城屯據白楊山元景攻之未能下  
慤率其所領先登衆軍隨之群蠻繇是畏服  
臧質爲寧朔將軍元嘉二十七年伐汝南西境刁壁  
山蠻大破之獲萬餘口

劉胡爲振威將軍元嘉二十八年率步騎三千討上  
如南山就溪蠻大破之  
柳元景元嘉末世祖西鎮襄陽江夏王義恭以元景

爲將帥卽以爲廣威將軍隨郡太守旣至而蠻斷驛道欲來攻郡郡內兵少糧仗又乏元景設方畧得六百人分屯五百人屯驛道或曰蠻將逼城不宜分衆元景曰蠻聞郡遣重戍豈悟城內兵少且表裏合計於勢爲長會蠻垂至乃使驛道潛出其後戒曰火舉馳進前後俱發蠻衆驚擾投鄆水死者千餘人斬獲數百郡境肅然無復寇抄朱脩之討蠻元景又與之俱後又討沈慶之征鄆山進尅太陽世祖入討元凶以爲諮議叅軍領中兵加冠軍將軍太守如故配萬人爲前鋒宗慤薛安都等十三軍皆隸焉賊步將魯

秀王羅漢劉簡之騎將嘗伯興等及其士卒皆殊死戰劉簡之先攻西南頰得燒草舫畧病人程天祚砦未立亦爲所摧王羅漢等攻壘北門賊艦亦至元景水陸受敵意氣彌彊麾下勇士悉遣出戰左右唯留數人宣傳分軍助程天祚還得固砦因此破賊元景察賊衰竭乃命開壘鼓噪以奔之賊衆大潰投淮死者甚多劭更率餘衆自來攻壘復大破之其所殺傷過於前戰劭手斬退者不能禁奔還宮僅以身免蕭斌被劊簡之收兵而止陣猶未散元景復出薄之乃走競投死馬澗澗爲之滿斬簡之及軍主姚叔藝王

江寶朱明智諸葛邈之等水軍主褚湛之軍副劉道存並來歸順帝至新亭卽位以元景爲侍中領左衛將軍

薛安都爲寧朔將軍領馬軍與柳元景俱隨孝武入討元凶安都至朱雀航橫矛瞑目叱賊將皇甫安民等日賊弑君父何必事之世祖踐祚除右軍將軍率所領騎爲前鋒直入殿庭賊尚有數百人一時奔散以功封南鄉縣男累加左將軍會魯爽反王玄謨拒南郡王義宣臧質於梁山安都復領騎爲支軍賊有水步營在蕪湖安都遣將呂興壽率數十騎襲之賊

衆驚亂斬首及赴水死者廿世衆義宣遣將劉湛及攻玄謨玄謨命衆軍擊之使安都引騎出賊陣后其副建武將軍譚金三歷賊陣乘其隙從騎突之諸將繼進是朝賊馬軍發蕪湖欲來會戰望安都騎甚盛隱山不敢出陣東南猶堅安都橫擊陷之賊遂大潰安都隊主劉元儒於嶺中斬湛首

沈法系爲寧朔將軍領三千人與柳元景宗慤入討元凶既至新亭元景居中營宗慤居西營法系居東營據峒賊攻元景法系臨射之所殺甚衆法系塹外樹悉伐之令倒賊劬來攻緣樹以進彭排多開隙選

善射手的射發無不中死者交橫事平以爲寧朔將軍始興太守討蕭簡於廣州聞臺軍將至簡誑其衆曰臺軍是賊劭所遣並信之前征北叅軍顧邁被脅從城內善天文云荆江有大兵城內繇此固守初世祖先遣鄧琬圍簡唯治一攻道法系至日宜四面並攻若守一道何時可拔琬慮功不在已謂法系曰更相申五十日盡又不克乃從之八道俱攻一日卽拔斬蕭簡廣州平封庫藏付鄧琬而還

鄧琬爲輔國將軍孝武卽位元凶劭黨南海太守蕭簡據廣州反琬討平之

朱脩之孝建初爲寧蠻校尉都督雍州刺史時南郡王義宣反令魯秀擊襄陽脩之命斷馬鞍山道秀不得前及義宣敗於梁山舟南走脩之率衆南追遺寇時竺超民執義宣脩之至乃殺之以功封南昌縣侯

王玄謨爲徐州刺史都督諸軍事孝建中南郡王義宣與江州刺史臧質反玄謨以輔國將軍豫州刺史與柳元景南討軍屯梁山夾岸築偃月壘水陸待之義宣遣劉湛就臧質陳軍城南玄謨留老弱守城悉以精兵接戰賊遂大潰加都督前將軍封曲江侯

張興世爲員外將軍孝建中隨王玄謨出梁山戰有功明帝卽位進興世號龍驤將軍領水軍拒南賊於赭圻築二城於湖目僞龍驤將軍陳慶領舸於前爲遊軍興世率龍驤將軍佼長生董凱之攻克二城因擊慶慶戰大敗時投水死者數千人

宋越爲江夏王義恭大司馬行軍濟陽太守尋加龍驤將軍孝建中臧質魯爽反越率軍據歷陽爽遣將軍鄭德玄前據大岷德玄分遣偏師楊胡興劉蜀馬步二千進攻歷陽越以步騎五百於城西十餘里拒戰大破之斬胡興劉蜀等爽平又率所領進梁山拒

質敗走越戰功居多大明三年轉長水校尉竟陵王誕據廣陵反越領馬軍隸沈慶之攻誕遂陷其城殷孝祖大明初爲積射將軍與魏軍戰于青州頗大破之累加龍驤將軍竟陵王誕據廣陵爲逆孝祖隸沈慶之攻誕又有戰功

劉劭大明中爲西陽王子尚撫軍入直閣先是遣費沈伐陳壇不克乃除劭龍驤將軍西江督護鬱林太守劭旣至率軍進討隨以翦定大致名馬并獻珊瑚連理樹後爲右將軍太始四年魏遣汝陽司馬趙懷仁步騎五百寇武津縣劭遣龍驤將軍曲元德輕兵

進討魏衆驚散魏子都公閑於拔又率三百人防運車千兩於汝陽臺東水上結營元德單騎直入斬拔首因進攻汝陽臺卽陷外壘獲車一千三百乘斬首一百五十級勳又使司徒叅軍孫臺瓘督弋陽以西魏軍寇義陽臺瓘大破之魏上其北豫州租有車二千兩勳招羗人微擊於許昌魏衆奔散焚燒米穀沈攸之明帝卽位初除東海太守未拜會四方反叛南賊已次近道以攸之爲寧朔將軍尋陽太守率軍據虎檻時南賊前鋒孫冲之薛嘗寶等屯據赭圻殷孝祖攻之爲流矢所中死攸之推寧朔將軍江方與

爲統帥大破賊於赭圻城外奔至姥山分遣水軍乘勢進討又破其水軍拔胡白二城尋假攸之節進號輔國將軍代孝祖督前鋒諸軍事薛嘗寶在赭圻食盡南賊大帥劉胡屯濃湖以囊盛米繫流察及船腹陽覆船順風流下以餉赭圻攸之疑其有異遣人取船及流察大得囊米攸之從子懷寶爲賊將帥在赭圻遣親人楊公讚齎密書招誘攸之攸之斬公讚封懷寶書呈太宗尋尅赭圻遷使持節督雍梁南北秦四州郢州之境陵諸軍事冠軍將軍領寧蠻較尉雍州刺史袁顓復率大衆來入鵲尾相持旣从軍主張

興世越鵲尾上據錢溪劉胡自攻之攸之率諸將攻  
濃湖胡遣人傳唱錢溪已平衆並懼攸之日不然若  
錢溪實敗萬人中應有逃亡得還者必是彼戰失利  
唱空聲以惑衆耳勒軍中不得妄動錢溪信尋至果  
大破賊攸之悉以錢溪所送胡軍耳鼻示之顛駭懼  
急追胡還攸之諸軍悉力進攻多所斬獲

吳喜孝武朝授河東太守明帝卽位改建武將軍率  
負外散騎侍郎竺紀之殿中將軍杜敬真馬步東討  
先是孝武世喜旣見驅使嘗克使命性寬厚所至人  
並懷之及東討百姓聞吳河東來便望風降散故喜

所至克捷遷步兵較尉將軍如故封竟陵縣侯東土  
定又率所領南討遷輔國將軍尋陽太守南賊退走  
喜遂平定荊州遷前軍將軍魏尋侵豫州喜統諸軍  
出討大破之荆亭魏長杜公遁走戊壬帛乞奴歸降  
事寧復以本位兼左衛將軍

黃回爲寧朔將軍軍主隸劉劭討于死虎破杜叔寶  
軍除山陽王休祐驃騎行叅軍龍驤將軍攻合肥破  
之累遷至將校以功封葛陽縣男

陸攸之爲殿中將軍明帝太始二年永世縣民史逸  
宗據縣爲逆攸之討平之

任農夫爲司徒叅軍督護會稽太守孔顓等反明帝每遣軍輒多所求須不時上道外監朱幼舉農夫驍果有膽力性又簡率資給甚易乃以千人配之使助東討時庾業兵盛農夫於延陵出長塘雖云千兵至者裁四百未至數十里遣人叅候云賊築城猶未合農夫率廣武將軍高志之永興令徐崇之馳往攻之因其城壘未立農夫親持刀楯赴城入陣大破之庾業棄城走義興先是龍驤將軍阮佃夫募得蜀人數百多壯勇便戰皆着犀皮鎧執短兵本應就佃夫向晉陵未發會農夫須人分以配之及戰每先登東人

並畏憚又恠其形飾殊異舊傳狐獠食人每見之輒奔走農夫收其船仗與高志之進義興援吳喜二月十日喜乃渡水攻郡分兵擊諸壘柵農夫雖至衆力尙少兵勢不敵喜乃與數騎登高東西指麾若招引四面俱進者東軍大駭諸營一時奔散唯龍驤將軍孔獻一柵未拔喜以殺傷者多乃開圍緩之其夜庾業孔獻相率奔走義興平劉延熙投水死有人告之乃斬尸傳首京邑

陳伯紹爲龍驤將軍交州人李長仁據州叛妖賊攻廣州殺刺史羊南伯紹討平之



張瓌爲輔國將軍順帝昇明元年吳郡太守劉遐據郡反瓌討斬之

南齊劉懷珍初仕宋爲江夏王義恭太宰直閣將軍大明二年虜圍泗口城青州刺史顏師伯請援孝武遣懷珍將步騎數千赴之於麋溝湖與虜戰破七城拜建武將軍樂陵河間二郡太守賜爵廣晉侯累遷羽林監屯騎校尉建安王休仁濃湖與賊相持久未決明帝召懷珍領軍向青山助擊劉胡事平除游擊將軍累加左將軍沈攸之圍郢城懷珍遣建寧太守張謨游擊將軍裴仲穆統蠻漢軍萬人步出西陽破

賊前鋒公孫方平軍數千人收其器甲進平南將軍增督南豫北徐二州增邑千戶

李安民初仕宋爲殿中將軍晉安王子勛反明帝除安民武衛將軍領水軍擊赭圻湖白荻浦獺窟皆捷除積射將軍軍主張興世據錢溪糧盡爲賊所逼安民率舟乘數百越五城送米與興世僞軍主沈仲王張引軍自鱣口欲斷江安民進軍合戰破之又擊鵠尾江城皆有功封邵武縣子寧朔將軍宄從僕射戍泗口領舟軍緣淮游防至壽春魏遣長社公連營十餘里寇汝陰豫州刺史劉劬擊退之魏荆亭戍主昇

乞奴棄城歸降安民率水軍攻破荆亭絕其津徑累  
加左將軍給事中建平王景素作難冠軍黃回游擊  
將軍高道慶輔國將軍曹欣之等皆密遣攻城而游  
擊將軍高道慶領衆出討太祖慮其有變使安民及  
南豫州刺史段佛榮行以防之安民至京口破景素  
軍於葛橋景素誅留安民行南徐州事建元初加領  
軍將軍鎮壽春先是宋世亡命王元初聚黨六合山  
僭號州郡討之不能擒積十餘年安民遣軍偵候生擒  
元初斬建康市加散騎嘗侍三年引水步軍入清泗  
於淮陽與魏軍戰破之

王敬則宋泰始初爲龍驤將軍軍主隨寧朔將軍劉  
懷珍征壽春殷琰遣將劉從築四壘於死虎懷珍遣  
敬則以千人繞后直出橫塘賊衆驚退除奉朝請元  
徽二年隨太祖拒桂陽賊於新亭敬則與羽林監陳  
顯達寧朔將軍高道慶乘舸艚於江中迎戰大破賊  
水軍焚其舟艦事寧帶南泰山太守右俠轂王  
周山圖宋太始初爲殿中將軍四方反叛僕射王彧  
使山圖領百舸爲前驅山圖與軍主佼長生等攻破  
賊湖白楮圻二城加振武將軍領兵濃湖追賊至西  
陽明帝賞之賜苑西宅一區五年爲龍驤將軍領兵

守歷陽鎮城初臨海亡命田流自號東海王逃竄會稽鄞縣邊海山谷中立屯營分布要害官軍不能討明帝遣直后聞人襲說降之授流龍驤將軍流受命將黨與出行達海鹽放兵大掠而反是冬殺鄞令耿猷東境大震六年勅山圖將兵東屯浹口廣設購募流爲其副暨拏所殺別帥杜連梅雒生各擁衆自守至明年山圖分兵掩討皆平之

王廣之泰始初除寧朔軍主隸劉懷珍征殷琰於壽春琰將劉從築壘拒守臺軍相守移日琰遣長史杜叔寶領五千人運車五百乘援從懷珍遣廣之及軍

王辛慶祖黃回千道連等要擊於橫塘寶結營拒戰廣之等內薄攻營自晡至日沒大敗之殺傷千餘人遂退燒其運車從聞之棄壘奔走時合肥城反官軍前後受敵都督劉劭召諸軍主會議廣之曰請得將軍所乘馬往平之劭以馬與廣之廣之去三日攻尅合肥賊仍隨懷珍討淮北時明帝遣青州刺史明僧暉北征至三城爲沈文秀所攻廣之將步騎三千餘人緣海救之俱引退廣之又進軍襲文秀所置長廣太守劉桃根桃根棄城走軍還封安蠻縣子三百戶呂安國宋泰始二年以建威將軍爲劉劭軍副征殷

琰於壽春衆軍擊破琰長史杜叔寶軍於橫塘安國  
抄斷賊糧道燒其運車多所傷殺琰衆奔走劬遣安  
國追之先至壽春琰閉門自守安國與輔國將軍垣  
閎屯據城南於是衆軍繼至安國勲第一封彭澤縣  
男

全景文宋泰始二年以假節寧朔將軍冗從僕射軍  
主隨前將軍劉亮討破東賊於晉陵假輔國將軍北  
討薛索兒於破釜領水軍斷賊運仍隨太祖於葛家  
石梁再戰皆有功

姚道和宋末爲游擊將軍隨太祖新亭破桂陽賊有

功爲撫軍司馬

陳顯達宋末爲羽林監隸太祖討桂陽賊於杜姥宅  
大破之後爲鎮西將軍都督益寧二州軍事益部山  
險多不賓服大度材獠前後刺史不能制顯達分部  
將吏聲將出獵夜往襲之男女無少長皆斬山夷震  
服累遷侍中護軍將軍永明五年羗人桓天生自稱  
玄宗族與雍司二州界蠻虜相扇動據南陽故城世  
祖遣顯達假節率征虜將軍戴僧靜等水軍向宛葉  
雍司衆軍受顯達節度天生率虜萬餘人攻舞陰舞  
陰戍主輔國將軍殷公愨擊殺其副張麒麟天生被

瘡退走仍以顯達爲使持節散騎嘗侍都督雍梁南  
北秦郢州之竟陵司州之隨郡軍事鎮北將軍領寧  
蠻校尉雍州刺史顯達進據舞陽城遣僧靜等先進  
與天生及虜再戰大敗之官軍還數月天生復出攻  
舞陰殷公愍破之天生還竄羗中華城平氏白土三  
城稍稍降散

焦度宋末爲武陵王贊前軍叅軍沈攸之事起太祖  
遣使假度輔國將軍屯騎校尉攸之大衆至夏口將  
直下都留偏兵守郢城而已度於城樓上肆言罵辱  
攸之至自發露故攸之怒改計攻城度親力戰攸之

衆蒙楯將登度令投以穢器賊衆不能傷後呼此樓  
爲焦度樓事寧度功居多轉後軍將軍封東昌縣子  
崔慧景建元初爲都督梁南北秦沙四州軍事初梁  
州賊李烏奴屢爲官軍所破走氏中乘間出擾動梁  
漢據關城遣使詣荊州請降豫章王不許遣中兵叅  
軍王圖南率益州軍從劔閣掩討大摧破之烏奴還  
保武興慧景發漢中兵衆進頓白馬遣支軍與圖南  
腹背攻擊烏奴大敗遂奔於武興  
周盤龍爲右將軍建元二年魏軍寇壽春以盤龍爲  
軍主假節助豫州刺史垣崇祖決水漂潰盤龍率輔

國將軍張倪馬步軍於西澤中奮擊殺傷數萬人獲牛馬輜重

垣崇祖建元中爲都督平西將軍戍下蔡魏軍攻之崇祖自率衆渡淮與戰大破之追奔數十里殺獲千計

戴僧靜爲太子右率永明五年隸護軍陳顯達討荒賊桓天生於北陽僧靜與平西司馬韓孟度華山太守康元隆前進未至北陽四十里頓浮橋天生引虜步騎十萬奄至僧靜合戰大破之殺獲萬計天生退還北陽僧靜進圍之天生軍出城外僧靜又擊破之

天生閉門不復出僧靜力疲乃退除征虜將軍南中郎司馬淮南太守

曹虎爲游擊將軍永明六年四月羗賊桓天生復引魏軍出據隔城遣虎督數軍討之虎令輔國將軍朱公恩領騎百疋前行踰伏值魏道軍因合戰破之遂進至隔城魏軍拒守虎引兵圍柵絕其走路須臾候騎還報魏援已至尋而天生率馬步萬餘人迎戰虎奮擊大敗之獲二千餘人明日遂攻隔城拔之斬魏虎威將軍襄城太守帛烏祝復殺二千餘人賊棄平氏城退走

王茂爲寧朔將軍江夏內史建武初魏軍圍司州茂以郢州之師救梁高祖率衆先登賢首山魏將王肅劉昶來戰茂從高祖拒之大破肅等魏軍退茂還郢仍遷朝國長史襄陽太守

張冲爲征虜將軍建武二年魏軍攻淮泗假冲節都督青冀二州北討諸軍事魏軍并兵攻司州徐青右出軍分其兵勢冲遣軍主桑係祖繇渣口攻拔魏軍建陵驛馬厚丘三城多所殺獲又與青州刺史王洪軌遣軍王子子延襲魏紀城據之冲又遣軍主杜僧護攻拔魏虎坑馮時卽丘三城驅生口輜重還至溘

溝魏救兵至緣道要擊僧護力戰大破之

蕭坦之爲右衛將軍建武二年假節督徐州諸軍事魏軍圍鍾離春斷淮州坦之擊破之

裴叔業爲建武將軍建武二年魏軍圍徐州叔業以軍主隸右衛將軍蕭坦之救援叔業攻虜淮柵外二城尅之賊衆赴水死甚衆以功封武昌縣伯永泰元年以豫州刺史詔領東海太守孫令終新昌太守劉思效馬頭太守僧諸侯等五萬圍渦陽魏南兖州所鎮去彭城百二十里兖州刺史孟表固守拒戰叔業攻圍之積所斬級高五丈以示城內又遣軍主蕭瓚

成寶真分攻龍亢戍卽魏馬頭郡也魏人閉城自守  
徐州刺史廣陵王率二萬人騎五千匹至龍亢瓚等  
拒戰不敵叔業率三萬餘人助之數道攻魏魏軍新  
至未立於是大敗廣陵王與數十騎走官軍追獲其  
節魏又遣將劉藻高思繼至叔業率軍迎擊破之再  
戰斬首萬級生口三千人器仗驢馬絹布千萬計

冊府元龜

淮南李嗣京參

西極文翔鳳訂正

豫章黃國璋較釋

將帥部 十三

立功第五

梁馬仙琕初仕齊永元中蕭遙光崔惠景亂累有戰  
功以勲至前將軍累遷振威將軍豫州刺史時响山  
民殺瑯邪太守劉昕以城降魏詔假仙琕節討之魏  
徐州刺史盧昶以衆十餘萬赴焉仙琕與戰累破之



利遁走仙琚縱兵乘之魏衆免者十一二收其兵糧牛馬器械不可勝數振旅還京師遷太子左衛率進爵爲侯增邑六百戶  
曹景宗仕齊爲游擊將軍建武四年太尉陳顯達督衆軍北圍馬圈景宗從之以甲士二千設伏破魏援中山王英四萬人遂尅馬圈高祖卽位以爲右衛將軍天監五年魏中山王英攻鍾離圍徐州刺史呂義之高祖遣景宗督衆軍援義之豫州刺史韋叡亦援焉而受景宗節度旣進頓郟陽洲立壘與魏城相去百餘步魏連戰不能却殺傷者十二三自是魏軍不

能逼景宗等器甲精新軍儀甚盛魏人望之奪氣先是高祖詔景宗等逆裝高艦使與魏橋等爲火攻計令景宗與叡各攻一橋叡攻其南景宗攻其北六年三月春水生淮水暴漲六七尺叡遣所督將馮道根李文釗裴邃韋等乘艦登岸擊魏洲上軍盡殪景宗因使衆軍皆噪亂登諸城呼聲震天地魏將楊大眼於西岸燒營奔魏中山王英自東岸棄城走諸壘相次土崩悉棄其器甲爭投水死淮水爲之不流景宗令軍主馬廣躡大眼至濊水上四十餘里伏屍相枕義之出逐英至雒口英以匹馬入城緣淮百餘里屍

骸枕籍生擒五萬餘人收其軍糧器械積如山牛馬  
驢騾不可勝計景宗乃搜軍所得生口萬餘人馬千  
匹遣獻捷高祖詔還本軍景宗振旅凱入增封四百  
并前爲二千戶進爵爲公詔拜侍中領軍將軍給鼓  
吹一部

蔡道恭齊末爲輔國將軍高祖舉義師於雍州道恭  
以舊將遷右衛將軍會巴西太守魯休烈等自巴蜀  
連兵寇上明以道恭持節督西討諸軍事次土臺與  
賊合戰道恭潛以奇兵出廿八後一戰大破之休烈等  
降於軍門

昌義之天監元年以北徐州刺史鎮鍾離四年大舉  
北侵臨川王宏督衆軍向雒口義之爲前軍攻魏梁  
城戍尅之五年冬武帝以征役久詔班師魏中山王  
元英乘勢追躡攻沒馬頭等城城內糧貯魏悉移歸  
北議者咸謂無復南向帝曰此必進兵非其實也乃  
遣脩鍾離城勅義之爲戰守備是冬英果率衆數十  
萬圍鍾離衝車毀西墉時城中衆纔三千義之督帥  
隨方抗禦前後殺傷萬計魏軍死者與城平六年帝  
遣曹景宗韋叡率衆二十萬救焉大破魏軍義之率  
輕兵追至洛口而還以功進號軍師將軍

馮道根天監二年以南梁太守領阜陵城戍魏將党法宗傳盪眼率衆二萬奄至城下道根塹壘未固城中衆少莫不失色道根命開城門緩服登城選精銳二百人出與魏軍戰敗之魏軍因退遷輔國將軍六年魏攻鍾離武帝詔豫州刺史韋叡救之道根爲叡前驅至徐州建計據邵陽等壘掘塹逼魏城道根能走馬計地計馬足以賦攻城隍立辨及淮水長道根乘戰艦斷魏連橋魏軍敗績進爵爲伯改封豫寧縣韋叡天監四年以輔國將軍督衆軍北伐叡遣長史王超宗梁郡太守馮道根攻魏小岨城拔之遂進討

合肥乃堰肥水以灌之城遂潰俘獲萬餘級牛馬萬數箱滿十間屋遷豫州於合肥五年魏中山王元英寇北徐州圍刺史昌義之於鍾離衆號百萬連城四十餘高祖遣征北將軍曹景宗都督衆軍二十萬以拒之次邵陽洲築壘相守又詔叡率豫州之衆會焉魏人先於邵陽洲兩岸爲兩橋樹柵數百步跨淮通道叡裝大艦使梁郡太守馮道根盧江太守裴邃秦郡太守李釗等爲水軍值淮水暴長叡卽遣之鬪艦競發皆臨壘以小船載草灌之以膏從而焚其橋風怒火盛烟塵晦冥敢死之士拔柵斫橋水又漂疾倏

忽之間橋柵俱壞而道根等皆身自搏戰軍人奮勇呼聲動天地無不一當百魏人大潰元英因橋絕脫身遁去魏軍趨水死者十餘萬斬首亦如之其餘者釋甲稽顙乞爲囚奴又數十萬所獲軍實牛馬不可勝紀獻遣報昌義之且悲且喜不暇答語但叫曰更生更生高祖遣中書郎周捨勞於淮上獻積所獲於軍門捨觀之謂獻曰君此獲復與熊耳山等以功增封七百戶進爵爲侯

裴邃天監五年以右將軍廬江太守征邵陽洲魏人爲長橋斷淮以濟邃築壘逼橋每戰輒尅於是密作沒突艦會甚雨淮水暴溢邃乘艦徑造橋側魏衆驚潰邃乘勝追擊大破之進尅羊石城斬城主元康又破霍丘城斬城主竇承仁平小岷攻合肥以功封夷陵縣子累遷大匠卿普通二年義州刺史文僧明以州叛入於魏魏來援以邃爲假節信武將軍督衆軍討焉邃深入魏境從邊城道出其不意魏所署義州刺史封壽據檀公岷邃擊破之邃圍其城壽面縛請降義州平除豫州刺史鎮合肥四年進號宣毅將軍是歲大軍北伐以邃督征討諸軍事率騎二千先襲壽陽九月壬戌夜至壽陽攻其郛斬門而入日戰九

合爲後軍蔡秀成失道不至遂以援絕拔還於是遂復整兵收集士卒令諸將各以服色相別遂自爲黃袍騎先攻狄兵甕城黎漿等城皆拔之屠安城馬頭沙陵等戍明年復破魏新蔡郡畧地至於鄭城汝穎之間所在響應壽陽守將長孫穉河間王元琛率衆五萬出城挑戰遂勒諸將爲四甄以待之令直閣將軍李祖憐僞遁以引穉穉等悉衆追四甄競發魏衆大敗斬首萬餘級

劉思天監五年以輔國將軍破魏青州刺史元擊於膠水

李典國天監五年以武勇將軍攻平靜關尅之

夏侯夔普通二年以征遠將軍副裴邃討義州平之七年拜信武將軍持節督司州諸軍事八年勅夔帥壯武將軍裴之禮直閣將軍任思祖出義陽道攻平靜穆陵陰山三關尅之是時譙州刺史湛僧智圍魏東豫州刺史元慶和於廣陵入其郛魏將元顯伯率軍赴援僧智逆擊破之夔自武陽會僧智斷魏軍歸路慶和於內築柵以自固及夔至遂請降夔讓僧智僧智曰慶和志欲降公不願降僧智往必乖其意且僧智所將烏合募人不可御之以法公持軍素嚴必

無犯令受降納附深得其宜於是夔乃登城拔魏幟建官軍旗鼓衆莫敢妄動慶和令兵以出軍無私焉凡降男女口萬餘人粟六千萬斛餘財物稱是元顯聞之夜遁衆軍追之生擒一萬餘人斬獲不可勝數詔以僧智領東豫州鎮廣陵夔引軍屯安陽夔又遣偏將屠楚城盡俘其衆繇是義陽北道遂絕

夏侯亶爲中護軍普通六年大舉北伐先遣豫州刺史裴邃帥譙州刺史湛僧智歷陽太守胡紹世南譙太守張澄並世之驍將自南道伐壽陽城未剋而邃卒乃加亶使持節馳驛代邃與魏將河間王元琛臨

淮王元或等相拒頗戰剋捷尋有密勅班師合肥以休士馬須堰城復進七年夏淮堰水盛壽陽城將沒高祖復遣北道將軍元樹帥彭寶孫陳慶等稍進亶帥湛僧智魚弘張澄等通清流關將入淮淝魏軍夾淝築城出亶與僧智還襲破之進攻黎漿征威將軍韋放自北道會焉兩軍旣合所向皆降下凡降城五十二獲男女口七萬五千人米二十萬石陳慶之爲宣猛將軍文德王帥普通七年安西將軍元樹出征壽春除慶之假節總知軍事魏豫州刺史季憲遣其子長鈞西城相拒慶之攻之憲力屈遂降

慶之入據其城以功賜爵關中侯大通元年攻魏梁  
城拔之進屠考城擒魏濟陰王元暉業又隸領軍曹  
仲宗進據渦陽城魏人犄角作十三城慶之啣枚夜  
出陷其四壘渦陽城主王緯乞降所餘九城兵甲猶  
在城乃陳其俘馘鼓噪而攻遂大奔潰斬獲畧盡渦  
水咽流降城中男女二萬餘口又出爲持節都督緣  
淮諸軍事奮武將軍妖賊僧強自稱爲帝土豪蔡伯  
龍起兵應之衆至三萬攻陷北徐州濟陰太守楊起  
文棄城走鍾離太守單希寶見害慶之受命討之未  
浹辰斬伯龍僧強傳首京中大通二年除都督司西

豫三州諸軍事南北司二州刺史慶之至鎮遂圍懸  
瓠破魏潁州刺史婁起揚州刺史是玄寶于溱水又  
破行臺孫騰騰大都督侯進豫州刺史堯雄梁州刺  
史司馬恭於楚城大同二年魏遣將侯景率衆七萬  
寇楚州刺史桓和陷沒景仍進軍淮上貽慶之書使  
降勅遣湘潭侯退右衛夏侯夔等赴援軍至黎漿慶  
之已擊破景時大寒雪景棄輜重走慶之收之以歸  
進號仁威將軍

韋放普通八年以明威將軍逐魏軍至渦陽魏又遣  
嘗山王元昭大將李漿乞佛寶費穆等衆五萬來援

放率所督將陳慶之趙伯超等夾擊大破之渦陽城  
主王緯以城降放乃登城簡出降口四千四百人器  
仗充牣又遣降人三千報李粲費穆等魏人棄諸營  
壘一時奔潰衆乘之斬獲畧盡擒穆弟超并王緯送  
於京師

郭祖深普通中爲雲騎將軍所領皆精兵令行禁止  
每討逐越境追擒江中嘗有賊祖深自率討之列陣  
未敢進仍令所親人先登不時進斬之遂大破賊威  
振遠近長江肅清

蘭欽大通元年以直閣將軍攻魏蕭城拔之仍破彭  
城別將郊仲進攻擬山城破其大都督劉屬衆二十  
萬進攻籠城獲馬千餘匹又破其大將北集及襄城  
太守高宣別將落思念鄭承宗等仍攻厥固張籠子  
城未拔魏彭城守將楊目遣子孝邕率輕兵來拒欽  
逆擊走之又破譙州刺史劉海游還拔厥固收其家  
口楊目又遣都督范思念別將曹龍牙數萬衆來援  
欽與戰於陣斬破蠻龍牙傳首京師又假欽節都督  
衡州三郡兵討桂陽山始興叛蠻至破平之封安懷  
縣男又破天漆蠻帥脫時得會衡州刺史元慶和爲  
桂陽人嚴容所圍遣使告急欽往應援破容羅溪於



是長樂諸洞一時平蕩  
陰子春太清二年以信威將軍梁秦二州刺史討峽  
中叛蠻平之徵為左衛將軍又遷侍中屬侯景亂世  
祖令子春隨領軍將軍王僧辯攻邵陵王於郢州平  
之又與左衛將軍徐文盛東討侯景至貝磯與景遇  
子春力戰嘗冠諸軍

杜崩簡文帝大寶初以宣毅將軍領鎮蠻護軍武陵  
內史隨軍王僧辯東討侯景追至石頭與賊相持橫  
嶺及戰景親率精銳左右衝突崩從嶺後橫截之景  
乃大破東奔晉陽崩入據城景平加散騎嘗侍持節

督江州諸軍事江州刺史齊將郭元建攻秦州刺史  
嚴超遠於秦郡王僧辯令崩赴援陳霸先亦自歐陽  
來會與元建大戰于王陵霸先令彊弩射元建衆却  
崩因縱兵擊大破之斬首萬餘級生擒千餘人元建  
收餘衆以遁時世祖執王琳於江陵其長史陸納等  
遂於長沙反世祖徵崩與王僧辯討之承聖二年及  
納等戰於東輪大敗陷其二壘納等走保長沙崩等  
圍之後納等降崩又與王僧辯西討武陵王於破石  
室即破平之  
杜龕大寶初為持節忠武將軍鄖州刺史追侯景至

江夏圍其城景將宋子仙棄城遁龕追至陽浦生擒  
之三年衆軍至姑熟景將侯子鑒逆戰龕與陳霸先  
王琳等率精銳擊之大敗子鑒遂至於石頭景親率  
其黨合戰龕與衆軍奮擊大破景景遂東奔承聖二  
年又與王僧辯討陸納等於長沙降之又征武陵王  
於西陵亦平之

胡僧祐大寶中假節武猛將軍討侯景於荆硤僧祐  
赴援至陽浦景遣其將任約率銳卒五千據白塔遙  
以待之僧祐繇別路西上約謂畏已而退急追之及  
於南安平口呼僧祐曰吳兒何爲不早降走何處去

僧祐不與之言潛引却至赤砂亭會陸法和至乃與  
并軍擊約大破之擒約送與江陵侯景聞之遂遁世  
祖以僧祐爲侍中領軍將軍

裴之橫大寶中以河南內史隨王僧辯距侯景于巴  
陵景退遷持節平北將軍東徐州刺史中護軍封預  
寧侯邑二千戶又隨僧辯追景平郢魯江晉等州常  
爲前鋒陷陣仍至石頭破景景東奔僧辯令之橫與  
杜崩入守臺城及陸納據湖州叛又隸王僧辯南討  
焉於陣斬納將李賢明遂平之又破武陵王於硤口  
還除吳興太守

陳侯瑱仕梁為武臣將軍南兖州刺史隨都督王僧辯討侯景常為前鋒每戰却敵既復臺城景奔吳郡僧辯使瑱率兵追之與景戰於吳松江大敗景盡獲其軍進兵錢塘景將謝答仁呂子榮等皆降以功除南豫州刺史鎮于姑熟承聖二年北齊遣郭元建出自濡須僧辯遣瑱領甲士三千築壘於東關以扞之大敗元建除使持節鎮北將軍給鼓吹一部增邑二千戶累加太尉天嘉元年二月敗王琳于梁山又敗齊兵于博望生擒齊將劉伯球盡收其資儲舟艦俘馘以萬計琳及其王蕭莊奔于齊

徐世譜仕梁以散騎常侍領水軍從司徒陸法和討侯景與景戰於赤亭湖時景軍甚盛世譜乃別造樓船相艦火舫水車以益勢將戰又乘大艦居前大敗景軍生擒景將在約景退走因隨王僧辯攻郢州世譜復乘大艦臨其倉門賊將宋子仙據城降以功除使持節信武將軍信州刺史封魚復縣侯邑五百戶隨王僧辯東下常為前鋒又破景將侯子鑒於湖熟景卒後以功除通直散騎常侍衡州刺史資鎮河東太守增邑并前一千戶

孫瑒仕梁為戎昭將軍宜都太守從王僧辯救徐文

盛於武昌會郢州陷乃留軍鎮巴陵修戰守之備俄而侯景兵至日夜攻圍瑒督所部兵悉力拒戰賊衆奔退瑒從大軍沿流而下及尅姑熟瑒力戰有功除貞外散騎常侍封富縣侯邑一千戶遷平南府司馬破黃洞蠻賊有功除廣州刺史

歐陽頴仕梁爲臨賀內史湘衡之界五十餘洞不賓勅令衡州刺史韋粲討之粲委頴爲都督悉皆平殄高祖之討蔡路養李遷仕頴率兵度嶺以助高祖及路養等平有功爲雲麾將軍東衡州刺史

程靈洗仕梁爲信武將軍蘭陵太守助防京口及平

徐嗣徽靈洗有功除南陽太守封遂安縣侯增邑并前一千五百戶仍鎮采石會王琳前軍東下靈洗於南靈破之虜其兵士并獲青龍十餘乘以功授使持節都督南豫州緣江諸軍事信武將軍南豫州刺史侯瑱等敗王琳于柵口靈洗乘勝逐北據有魯山徵爲衛士將軍餘如故天嘉四年周迪重寇臨川以靈洗爲都督自鄱陽別道擊之迪入走山谷間五年遷中護軍嘗侍如故  
淳于量仕梁爲都督巴州諸軍事侯景西上攻巴州元帝使都督王僧辯入據江陵量與僧辯併力拒景

大敗景軍擒其將任約進攻郢州獲宋子仙仍隨僧辯尅平侯景承聖元年以功授左衛將軍光大中湘州刺史華皎構逆以量爲征南大將軍西討大都督總率大艦自郢州樊浦拒之皎平并降周將長胡公柝拔定等以功授侍中中軍開府儀同三司周焯仕梁爲持節高州刺史討侯景是時焯據武昌西陽二郡招聚卒徒甲兵甚盛景將任約來據樊山焯與寧州長史徐文盛擊約斬其部將北羅子通趙迦婁等乘勝追之頗尅約衆殆盡大建元年遷龍驤將軍隨都督吳明徹北討所向尅捷一月之中獲十

二城

裴忌仕梁爲豫章王法曹參軍侯景之亂忌招集勇力隨高祖征討累功爲寧遠將軍及高祖誅王僧辯弟僧智舉兵據吳郡高祖遣黃佗率衆攻之僧智出兵於西昌門拒戰佗與相持不能尅高祖謂忌曰三吳與壤舊稱饒沃雖凶荒之餘猶爲殷盛而賊徒扇聚天下搖心非公無以定之宜善思其策忌乃勒部下精兵輕行倍道自錢塘直趣吳郡夜至城下鼓噪薄之僧智疑大軍至輕舟奔杜龕忌入據其郡高祖嘉之表受吳郡太守天嘉初出爲南康內史時義安

太守張紹賓據郡後文帝以忌爲持節都督嶺北諸軍事率衆討平之至是世衣林會以人勳其高周寶安梁平西將軍文育之子文育爲熊曇朗所害寶安以吳興太守起爲猛烈將軍領其舊兵及平王琳頗有功周迪之破熊曇朗寶安南入窮其餘燼天嘉二年重除雄信將軍吳興太守襲封壽昌縣公荀朗仕梁爲豫州刺史王僧辯東討朗遣其將范寶勝及弟曉領兵二千助之侯景平後又別破齊將郭元運于踟躕山承聖二年率部曲萬餘家濟江入宣城郡界立頓元帝授朗持節通直散騎嘗侍安南將

軍都督南兖州諸軍事南兖州刺史未行而荊州陷高祖入輔齊遣蕭軌東方光等來寇據石頭城朗自宣城來赴因與侯安都等大破齊軍煥猛仕梁爲威戎將軍安南侯蕭方矩湘州司馬會武陵王蕭紀舉兵自漢江東下方矩遣猛率湘郢之卒隨都督陸法和進軍以拒之紀已下樓船戰艦據巴江爭峽口尋相持久之不能決法和揣紀師老卒墮因令猛率驍勇三千輕舸百餘乘衝流直上出其不意鼓譟薄之紀衆倉卒驚駭不及整列皆棄艦登岸赴水死以千數時紀心膂數百人猶在左右猛將

部曲三千餘人蒙楯戈直登舟瞋目大呼紀衛皆披靡相枕籍沒不敢動猛手擒紀父子三人斬於船中盡收其船艦器械以功授游騎將軍封安山縣伯邑一千戶仍進軍撫定梁益蜀境悉平大建初遷武毅將軍領長沙內史尋隸章昭達西討江陵潛軍入峽焚周船艦以功封富川縣侯

蕭摩訶梁末隨侯安都東西征伐戰勝攻取摩訶功實居多天嘉中以平劉黑歐陽紇之功累遷巴山太守大建五年衆軍北討摩訶隨都督吳明徹濟江攻秦郡齊大將軍尉破胡等率衆十萬來援其前隊有

一蒼頭犀角大力之號千餘人出戰摩訶斬之於是齊軍退走以功授明毅將軍封廣平縣伯尋進爵爲侯七年又隨明徹進圍兗豫擊走齊將王康德以功除晉熙太守

周敷梁末爲武侯將軍寧州刺史永定初王琳據有上流余孝頃與琳黨李孝欽等共圍周迥迥擒孝欽等敷以功居多熊曇朗之殺周文育據豫章將兵萬餘人襲敷徑至城敷與戰大破之追奔五十餘里曇朗單馬獲免盡收其軍實曇朗走巴山郡收合餘黨敷因與周迥黃法甄等進兵圍曇朗屠之加平西將

軍豫章太守黃初五年魏武王薨於許昌時年六十四歲  
章昭達梁末從文帝討杜龕龕平又從討張彪于會稽  
寇之累功除明威將軍天嘉元年隨侯安都等拒  
王琳於沌口戰於蕪湖昭達乘平虜大艦中流而進  
先鋒發拋中於賊艦琳平昭達冊勲第一二年除都  
督郢巴武沅等州諸軍事郢州刺史進號平西將軍  
會周廸反於臨川詔令昭達便道征之及廸敗走徵  
爲護軍四年陳寶應納周廸復共寇臨川又以昭達  
爲都督既至東興嶺而廸又退走昭達乃踰嶺以討  
寶應寶應據建安至口安二郡之界水陸爲柵以拒官

軍昭達與戰不利因據其上流會世祖遣余孝頃出  
自海道適至因并力乘之寶應大潰遂寇定閩中以  
功授鎮前將軍開府儀同三司歐陽統據有嶺南反  
詔昭達都督衆軍討之擒統送于京師廣州平以功  
進車騎大將軍遷司空金口又嘗以文宣太子  
周廸爲振遠將軍江州刺史高祖卽位初王琳東下  
廸欲自據南川總召所部入郡守宰結盟聲言入赴  
朝廷恐其爲變因厚慰撫之琳至湓城新吳洞王余  
孝頃舉兵應琳琳以爲南川諸郡可傳檄而定乃遣  
其將李孝欽樊猛等南徵糧餉猛等與余孝頃相合



衆且二萬來趨工塘連八城以逼廸廸使周敷率衆頓臨川故郡斷截江口因出與戰大敗之屠其八城生擒李孝欽樊猛余孝頃送于京師收其軍資器械山積虜其人馬

黃法氈永定二年以宣毅將軍率兵援周廸王琳功授平南將軍熊曇朗於金口反害周文育法氈共周廸討平之進號安南將軍天嘉元年周廸反法氈率兵會都督吳明徹討廸於工塘廸平法氈功居多徵爲使持節散騎嘗侍都督南徐州諸軍事鎮北大將軍南徐州刺史儀同三司大建五年大舉北伐以法

氈爲都督出歷陽齊遣其歷陽王步騎五千來援於小岷築城法氈遣左衛將軍樊介分兵於大岷禦之大破齊軍盡獲人馬器械進攻歷陽城降之以功加侍中

侯安都天嘉元年以司空都督南徐州諸軍事督大岷出頓蕪湖以拒王琳琳敗走入齊安都進軍淦城討琳餘黨所向皆下會留異擁據東陽安都奉詔東討異與第二子忠臣脫身奔晉安安都虜其妻子盡收其人馬甲仗振旅而歸以功加侍中征北大將軍增邑并前五千戶

戴僧朔天嘉元年隨族兄右將軍僧錫平王琳有功  
僧錫卒僧朔代爲南丹陽太守鎮採石從侯安都征  
留異又從征周廸有功累遷壯節將軍巴州刺史  
韓子高天嘉二年以壯武將軍成州刺史文招縣子  
隨侯安都征留異頓于桃支嶺下時子高兵甲精銳  
別御一營異平除假節貞毅將軍東陽太守五年章  
昭達等日臨川征晉安子高自安泉嶺會於建安晉  
安平以功遷通直散騎嘗侍進爵爲侯

程文季天嘉二年以貞毅將軍新安太守隨侯安都  
東討留異異黨與向文政據有新安文季率精甲三  
百徑往攻之文政遣其兄子瓚來拒文季與戰大破  
瓚軍文政乃降四年陳寶應與留異連結又遣兵隨  
周廸更出臨川文帝遣信義太守余孝頃自海道襲  
晉安文季爲之前軍所向尅捷寶應平文季戰功居  
多

錢道戢天嘉二年爲臨海太守鎮南巖時侯安都之  
討留異也道戢帥軍出松陽以斷其後異平以功拜  
持節通直散騎嘗侍輕車將軍都督東西二衡州諸  
軍事衡州刺史領始興內史宣帝卽位徵歐陽紇入  
朝紇疑懼乃舉兵來攻衡州道戢與戰却之及都督

章昭達率兵討紇以道戢爲步軍都督繇間道斷紇之後紇平除左衛將軍大建二年又隨昭達征蕭巋於江陵道戢別督衆軍與陸子隆焚青泥舟艦仍爲昭達前軍攻安蜀城降之以功加散騎嘗侍仁武將軍增邑并前九百戶其年遷仁威將軍吳興太守未行改授使持節都督郢巴武三州諸軍事郢州刺史王師北討道戢與儀同黃法氈圍歷陽歷陽城平因以道戢鎮之以功加雲麾將軍增邑并前一千一百戶

華皎天嘉三年以仁武將軍新州刺史督尋陽等五郡諸軍事周迪謀反遣其兄子伏甲於船中僞稱賈人欲於湓城襲皎未發事覺皎遣人逆擊之盡獲其船仗其年皎隨都督吳明徹征迪迪平以功授散騎嘗侍平南將軍臨川太守進爵爲侯

魯廣達天嘉三年以信武將軍北新蔡太守隨吳明徹討周迪於臨川每戰功最仍代兄悉達爲吳州刺史封中宿縣侯後爲巴州刺史大建五年衆軍北伐畧淮南舊地廣達與齊軍會於大峴大破之斬其敷城王張元範虜獲不可勝數進尅北徐州及授都督北徐州諸軍事徐州刺史

吳明徹光大中爲丹陽尹會湘州刺史華皎陰有異志詔授明徹使持節散騎常侍都督湘桂武三州諸軍事與征南大將軍淳于量等率兵討皎皎平授開府儀同三司大建五年詔加侍中都督征討諸軍事總統衆軍十餘萬發自京師緣江城鎮相續降欵軍至秦郡尅其水柵齊遣大將尉破胡將兵爲援明徹破走之斬獲不可勝計秦郡乃降進尅仁州授征北大將軍進爵南平郡公以平峽石岸二城進逼壽陽齊遣王琳將兵拒守琳至與刺史王貴顯保其外郭明徹以琳初入衆心未附乘夜攻之中宵而潰齊兵

退據相國城及金城明徹令軍中益脩攻具又引肥水以灌城城中苦濕多腹疾手足皆腫死者十六七會齊遣大將軍皮景和率兵數十萬來援去壽春三十里頓軍不進諸將咸曰堅城未拔大援在近不審明公計將安出明徹曰兵貴在速而彼結營不進自挫其鋒吾知其不敢戰明矣於是躬擐甲胄四面疾攻城中震恐一鼓而尅生擒王會王琳王貴顯扶風王可朱渾孝裕尚書盧潛左丞李駒駱送京師景和惶懼遁走進收其駝馬輜重七年進攻彭城軍至呂梁齊遣援兵前後至者數萬明徹又大破之

任忠大建初以明毅將軍隨章昭達討歐陽紇於廣  
州累加右軍將軍五年衆軍北伐忠將兵出西道擊  
走齊歷陽王高景安大岷逐北至東關仍尅其東西  
二城進軍斬譙并拔之徑襲合肥入其郛進尅霍州  
以功授員外散騎嘗侍封安復縣侯邑五百戶十二  
年爲平南將軍南州刺史仍率步騎趣歷陽州遣王  
廷貴率衆爲援忠大破之生擒廷貴  
樊毅爲左衛將軍大建五年衆軍北伐毅率衆攻廣  
陵楚子城拔之擊走齊軍於潁口齊援滄陵又破之  
七年進尅潼州下邳高柵等六城

徐敬成大建五年以貞威將軍吳興太守隨都督吳  
明徹北討出秦郡別遣敬成爲都督乘金超自歐陽  
引埭上沂江繇廣陵齊人皆城守弗敢出自擊梁湖  
下淮圍淮陰城仍監北兖州淮泗義兵相率響應一  
二日間衆至數萬尅淮陰山陽監城三郡并連口胸  
山二戍仍進攻鬱州尅之以功加通直散騎嘗侍雲  
旗將軍

後魏劉庫仁昭成末爲南部大人道武未立符堅以  
庫仁爲陵江將軍與衛辰分國部衆而統之後辰叛  
攻庫仁庫仁大破之又西征庫狄部大獲畜產其後

慕容垂圍符丕於鄴又遣將攻堅幽州刺史王永庫  
仁遣妻兄公孫希助永擊破之

劉眷道武初代其兄庫仁攝國事白部大人絜佛叛  
眷力不能討乃引符堅并州刺史張蚝攻佛破之眷  
又破賀蘭部于善無又擊蠕蠕別帥胝渥於意親山  
破之獲牛羊數十萬頭

長孫肥登國初與莫題等俱爲大將從征劉顯自濡  
源擊莫奚討賀蘭部並有戰功帝征蠕蠕大破之肥  
降其主匹侯跋又從征衛辰及薛干部滅之蠕蠕別  
主緄紇提子曷多汗等率部落棄父西走肥以輕騎

追至上郡斬之後從征中山拜中領軍將軍駕次晉  
陽慕容寶并州刺史遼西王農棄城宵遁肥追之至  
蒲泉獲其妻子帝將圍中山慕容寶棄城奔和龍肥  
與左將軍李栗三千騎追之至范陽不及而還遂破  
其研城戍俘千餘人中山城內人立慕容普鄰爲主  
帝圍之普鄰乃出步卒千餘人欲伺間犯圍帝命肥  
挑戰僞退普鄰衆追肥帝截其後盡擒斬之時以士  
馬少糧遂罷中山之圍就穀河間慕容賀元殺普鄰  
而自立車駕次魯口遣肥帥七千騎襲中山入其郭  
而還賀麟以步騎四千追肥至泝水肥自魏昌擊之

獲鎧騎二百肥中流矢瘡重乃還中山平以功賜爵  
琅邪公遷衛尉卿改爵盧卿時中山太守仇儒不樂  
內徙亡匿趙郡推羣盜趙淮爲主妄造妖言云燕東  
領趙當續欲其名淮水不足淮喜而從之自號使持  
節征西大將軍青冀二州牧鉅鹿公儒爲長史聚黨  
二千餘家據關城連引丁震殺害長史扇動嘗山鉅  
鹿廣平諸郡遣肥率三千騎討之破淮於九門斬仇  
儒生擒淮詔以儒肉食淮傳送京師輟之於市夷其  
族除肥鎮遠將軍兖州刺史給步騎二萬南循許昌  
各地至彭城司馬德宗將劉該遣使詣肥請降貢其

方物姚平之寇平陽帝遣肥與毗陵王順等六萬騎  
爲前鋒車駕次永安平募遣勇將率精騎二百闕軍  
肥逆擊擒之匹馬不返平退保柴壁帝進攻屠之遣  
肥還鎮兗州肥前後征討未嘗敗失南平中原西摧  
羗寇肥功居多賞賜奴婢數百畜物數千  
尉古真登國初從征庫莫奚及叱突鄰並有功又從  
救賀蘭破衛辰子真力鞮復擊慕容寶於叅合陂又  
從平中原以功賜爵東州侯加建節將軍明元初爲  
鴻飛將軍率衆五千鎮大維城明元西巡古真與奚  
斤等率前軍討越勒部大破之獲馬五萬匹牛羊二

十萬頭驅掠二萬餘家西還

奚斤登國初與長孫肥等俱統禁兵後從征慕容寶於叅合拜越騎校尉車駕還京師博陵渤海章武諸郡羣盜並起所在屯聚拒害長吏斤與畧陽公元遵等率山東諸將討平之又從破高車諸部又破庫狄宥連部徙其別部諸落於塞南又進擊侯莫陳部俘虜獲雜畜十餘萬至大峨谷置戍而還遷都水使者明元西巡詔斤先驅討越勒部於鹿那山大破之宋少帝立其大臣不附國內離阻乃遣斤收其所侵河南假斤節都督前鋒諸軍事司空公晉兵大將軍行

揚州刺史率吳兵將軍公孫表等南征宋虎牢守將毛德祖遣其司馬翟廣將軍姚勇錯竇霜等率五千人據土樓以拒斤斤進擊破之廣等單馬走免盡殪其衆斤長驅至虎牢軍於汜東留表守輜重自率輕兵徇下河南潁川陳郡汝南百姓無不歸附陳留太守嚴稜以郡降斤遂平兗豫諸郡還圍虎牢德祖拒守不下及虎牢潰斤置守宰以撫之大武卽位進爵宣城王帝征赫連昌遣斤率義兵將軍封禮等督四萬五千人襲蒲坂昌守將赫連乙升聞斤將至遣使告昌使至統萬見大軍已圍其城還告乙升曰昌已



敗矣乙升懼棄蒲坂西走斤追敗之乙升遂奔長安  
斤入蒲坂收其資器百姓安業昌弟助興先守長安  
乙升至復與助興棄長安西走安定斤又西據長安  
於是秦雍氏羗皆東歸附與赫連定相持累戰破定  
定聞昌敗遂走上邽斤追之至雍不及而還大延初  
涼州平以戰功賜僮隸七千戶

王建登國中以左大夫從征伐諸國破二十餘部又  
從征衛辰破之後爲中部大人從破慕容寶於叅合  
陂遷冠軍將軍烏丸庫偃官鳴聚黨爲寇詔建討平  
之

婁伏連爲首帥領部落從道武破賀蘭部又平中山  
及征姚平於柴壁以功賜爵安邑侯

長孫嵩爲南部大人累有軍功後從道武征中山除  
冀州刺史賜爵鉅鹿公

劉羅辰爲南部大人從道武平中原以功賜爵永安  
公

奚牧爲輔國將軍從道武征慕容寶畧地晉州獲寶  
丹陽王買得及離石護軍高秀和於干陶以軍功拜  
并州刺史賜爵任城公

和跋擢爲外朝大人從道武平中原以功進爲尚書

鎮鄴慕容德使兄子和守滑臺和長史李辯殺和求  
援於跋跋率輕騎赴之既至辯悔閉門拒守跋使尚  
書郎鄧暉說之辯乃開門跋入收其府藏德聞之遣  
將率三千騎擊跋跋逆擊大破之擒其將士千餘人  
而還於是陳穎之民多乘向化改爲定陵公與嘗山  
王遵率衆五萬討破賀蘭部別帥木易干破之出爲  
平原太守

莫題爲中山太守督司州之山東七郡事道武征姚  
興次於晉陽而上黨羣盜秦頗丁零翟都等聚衆於  
壺關詔題帥衆三千以討之上黨太守捕頗斬之都

走林慮詔題搜山捕討盡平之

李粟初隨道武幸賀蘭部數有戰功拜右將軍帝征  
慕容寶粟督督萬騎爲前驅軍之所至莫不降下遷  
左將軍

庾岳爲外朝大人慕容垂圍慕容永於長子永告急  
求援岳與陳留王慶以一萬騎東渡河救於秀容破  
山胡部高車門等徙其部落會永戒乃班師從道武  
平中原拜安遠將軍官軍之驚於栢肆也賀蘭部帥  
附力眷紇突鄰部帥匿物尼紀奚部帥叱奴根等聞  
之聚黨反於陰館南安公元順討之不尅死者數千

人太祖聞之詔岳率萬騎還討叱奴根等殄之百姓  
乃安離石胡帥呼延鐵西河胡帥張崇等不樂內徙  
聚黨反叛岳率騎三千討破之斬鐵擒崇搜山窮討  
散其餘黨以功賜爵西昌公進號征虜將軍又討反  
人張超清河太守傅世并破平之以岳為鄴行臺  
丘堆明元卽位以為散騎嘗侍與叔孫建等討滅山  
胡晉人沂西河上詔堆與建自河內次枋頭以備寇  
盜姚泓既滅堆留鎮并州赫連屈子遣三千騎寇河  
內堆自并州與游擊將軍土維生擊走之以功賜爵  
為侯

和突為材官將軍天興五年破黠弗素古延等諸部  
獲馬三千餘匹牛羊三萬餘頭蠕蠕杜論遣騎救素  
古延等突逆擊破之于山南河曲獲鎧馬二千餘匹  
劉託為離石護軍天賜元年率騎一千襲蒲子擒姚  
興寧北將軍泰平太守衡譚獲三千餘口

間大肥明元神瑞中為都將討越勒部於跋那山大  
破之秦嘗初復為都將領禁兵討蠕蠕獲其大將莫  
孤渾宜城王奚斤之攻虎牢也大肥與娥清領十二  
軍出中道畧地高平金鄉東至太山假大肥使持節  
安陽公鎮撫陳汝太武初復與奚斤出雲中白道討

大檀破之又爲都將擊大檀大破之還至渴侯山遂討東部高車於巴尼陂又征平涼並有功太武將拜大肥爲王遇疾卒追贈中山王

娥清爲黃門侍郎明元南巡幸鄴以清爲中領軍將軍與宋丘將軍周畿等渡河畧地至湖陸高平民屯聚林藪拒射官軍清等因誅數千家虜獲萬餘口賜爵須昌侯清與畿等遂鎮枋頭

尉日斤泰嘗中以前將軍從平虎牢頗有軍功拜中山太守

于栗磾泰嘗中爲黑稍將軍奚斤之征虎牢也栗磾

別率所部攻晉河南太守王洸之於金墉洸之棄城遁走遷豫州刺史

叔孫建爲正直將軍相州刺史飢胡劉武等聚黨叛明元以建督公孫表等討之斬首萬餘級餘衆奔走投汾水死水爲不流晉師伐逃泓其部將王仲德爲前鋒將逼滑臺兖州刺史尉建率所部棄城濟河仲德遂入滑臺明元聞之詔建渡河耀威斬尉建投其屍於河尋都督前鋒諸軍事禁兵將軍與汝陰公長孫道生濟河而南仲德等自河入濟東走青州宋兖州刺史竺靈秀棄須昌南奔湖陸建追擊大破之斬

首五千餘級遂至鄒魯還屯范城大武以建威名南  
震除平原鎮大將加征南大將軍先是簡幽州以南  
戍兵集於河上一道討維陽一道攻滑臺宋將檀道  
濟王仲德救滑臺建與汝陰公道生拒擊之建分軍  
夾戰縱輕騎邀其前後焚燒穀草以絕其糧道兵饑  
叛者相繼繇是安頡等得拔滑臺

公孫表爲功勞將軍元屈叅軍事宋人征姚興兖州  
刺史尉建聞寇至棄滑臺北走詔表隨壽光侯叔孫  
建屯枋頭泰嘗七年議取河南侵地帝以爲掠地至  
滑滑臺等三城自然面縛表固執宜先攻城帝從之  
於是以奚斤爲都督以表爲吳兵將軍廣州刺史斤  
等濟河表計文滑臺歷時不拔帝乃南巡爲之輦援  
表旣尅滑臺引師西伐大破宋將翟廣等於土樓遂  
圍虎牢

